

# *SAUWE SA SEMOYA*



Bjale ke a dumela, bjale ke a dumela,  
 Dilo tšohle di a kgonega, bjale ke a dumela;  
 Bjale ke a dumela, bjale ke a dumela,  
 Dilo tšohle di a kgonega, bjale ke a dumela.

<sup>2</sup> A re feleng re eme feela nakwana bakeng sa Lentšu la Morena. A re phetleng go Amose, moprofeta Amose, tema ya 3, go thoma ka temana ya 1.

<sup>3</sup> Ke nyaka go leboga Kgaetšedi Juanita le Anna Jeanne le Kgaetšedi Moore, bakeng sa khorase yela ya go ratega ya dipina. E mpošitše morago, bjalo ka ge ke dutše godimo fale le go e theeletša. Ke be ke nagana, ge ba be ba ne rená, ba opela lesolong, Ngwanešu Jack le nna re be re bolela, bona basetsana ba be ba le basetsana ba bannyane nthatana, feela bonnyane lesometshela, se sengwe boka seo, mosetsana. Bjale, ke a nagana, Kgaetšedi Anna Jeanne o ne bana ba bahlano, gomme Kgaetšedi Juanita o ne—o ne... mme wa bana ba babedi. Gomme ka kgonthe re kgauswi le go dikela gola ga letšatši, basadi, go feta re be re le nako yela, e ka ba phapano ya mengwaga ye lesometshela. Go ka se be botelele, re tla be re tshelela mošola, nako yela ya letago.

<sup>4</sup> Bjale ka go Amose tema ya 3, a re baleng.

*Kwang lentšu le leo MORENA a le boletšego kgahlanong  
 le lena, O bana ba Israele, kgahlanong le moloko ka  
 moka wo Ke o tlišitšego... go tšwa ka Egepeta, ke re,*

*Ke tsebile lena le nnoši... malapa ohle a lefase:  
 kagona Ke tla le otla bakeng sa... bokgopo bja lena.*

*A babedi ba ka sepela mmogo, ntle le ge ba kwane?*

*Afa tau e ka rora ka sekgweng, ge e se ya bolaya selo?  
 afa tawana e ka bopa go tšwa go serobeng sa yona, ge e  
 se ya swara selo?*

*A nonyana e ka wela molabeng godimo ga lefase, moo  
 go se nago moreo? a yo mongwe a ka tloša molaba go  
 tloga lefaseng, gomme o se wa swara selo go ona?*

*Na yona phalafala e ka letšwa ka go toropokgolo,  
 gomme batho ba se boife? na go tla ba le bobo ka go  
 toropokgolo, gomme MORENA a se a bo dira?*

*Nnete Morena... a ka se dire selo, eupša o utolla  
 diphiri tša gagwe go baprofeta bahlanka ba gagwe.*

*Tau e rorile, ke mang a ka se boifego? Morena... o  
 boletše, ke mang eupša a ka go profeta?*

A re inamišeng dihlogo tša rena.

<sup>5</sup> Morena Jesu, anke le, Lentšu la Gago, Morena, anke re be le kopanelo bošegong bjo go dikologa karolo ye. Re a rapela, Morena, gore O tla re fa bokamorago bakeng sa sehlogo, gore re tla tsea go tloga fa, gomme anke le tliše tlhompho go Wena. Re šegofatše ge re sa letile, Morena, bošegong bjo, go Lentšu la Gago. Fodiša balwetši le batlaišwa. Phološa balahlegi. Efa maatla go dikoka, Morena, bao ba fokolago, bobedi nameng le semoyeng. Gomme re fe tšologo ye kgolo ya Bogona bja Gago, gobane re e kgopela Leineng la Jesu. Amene.

<sup>6</sup> Ke duma go tsea bakeng sa sehlogo, go tšwa go se, bošegong bjo: *Sauwe Sa Semoya*.

<sup>7</sup> Le se lebale, gosasa, ke thapelo bakeng sa balwetši gosasa. Re letile Morena go dira dilo tše dikgolo go fetiša, gosasa morago ga sekgalela ka iri ya bobedi, moo re . . . ge re thoma ditirelo tša rena. Mošemane o tla be a le fa go fa dikarata tša thapelo. Gomme yo mongwe le yo mongwe o tla rapelelwā yoo a nyakago go rapelelwā. Gomme re letetše nako ye kgolo, gosasa, Moreneng.

<sup>8</sup> Bjale lena batho le fa, go etela go tšwa ka ntle ga toropo. Elelwang, go ne tše kaone, dikereke tša Ebangedi ya go tlala gohle go kgabola toropokgolo. Le amogetšwe go tšohle tša tšona.

<sup>9</sup> Ke be ke no bolela le yo mongwe wa badiša badirišane ba ka, ka ntle, o sa tšo tsena, Ngwanešu Jackson, o kile a ba wa kereke ya Methodist, tlase toropokgolo goba tše pedi ka fase ga rena.

<sup>10</sup> Gomme ke ba bakae ba lego fa bao ba amanago le tabarenakele, a re boneng diatla tša lena, mogohle. Nna, ka kgonthe—kgonthe ke thakgetše go ba le lena tlase. Ye ke kopano ya kgaušwiuswi ke bilego go yona ka Indiana lebakana le leteletšana. Ke nagana ka go bowa morago, gabotse ka pelapela, le go beeng tente le go ba le Diphalafala tšela tše šupago tša mafelelo, Morena ge a rata.

<sup>11</sup> Kafao, bjale, eupša elelwang gosasa. Se e lebaleng, gosasa ka iri ya bobedi. Gomme, bjale, tirelo ya rena ya go latela e tla thoma beke ye e tlago, ka Tampa, Florida.

<sup>12</sup> Bjale ke nyaka go bolela ka: *Sa Semoya Sau- . . . Sauwe*.

<sup>13</sup> Bjale, moisa yo monnyane yo yoo re boleLAGO ka yena, Amose, feela bakeng sa nakwana, go hwetša bokamorago bja rena pele re fihla go sehlogo. Ye e bile nakong ya katlego ye kgolo ka Samaria. Israele e be e atlegile. Ka kgonthe ba be ba šetše lefase morago gomme ba atlegile.

<sup>14</sup> Ga se ka mehla katlego e lego sešupo sa ditšhegofatšo tša semoya, eupša dinako tše dingwe ka go kgahlanong. Batho ba nagana o swanetše o be le bontši bja dithoto tša lefase, gomme go bontšha gore Modimo o a go šegofatša. Seo ga se therešo. Ka dinako tše dingwe ke ka tsela ye nngwe.

<sup>15</sup> Eupša re hwetša, yena, ga re tsebe bontši ka ga moisa yo monnyane yo. Yena, ga re ne histori, fao a tšwago gona. Re a tseba

yena, go ya ka Lengwalo fa, ke modiši, eupša Modimo o be a mo phagamišitše.

<sup>16</sup> Ke kgona go eleletša ke bona, letšatši le lengwe la go fiša ka Samaria fale, ye nngwe ya ditoropokgolo tše kgolo tša boeti tša lefase ka letšatšing lela. Ke sengwe ka lenaneong la, re tla re, Miami, goba—goba Hollywood, Los Angeles, a mangwe a ona mafelo boka ao, lefelo le lengwe le legolo la baeti. Gomme re kgona go no eleletša go mmona. Ga sa nka a ke a ba ka go toropokgolo ye bjalo. Eupša, o be a ne Lentšu la Morena, o be a etla go toropokgolo ye kgolo ye moo sebe se bego se pakelane ka lehlakoreng le lengwe le le lengwe. Badiredi ba be bohle ba tlogile go Lentšu la Modimo, gomme ba be ba sa nka ba ba le moprofeta mengwaga ye meteletele.

<sup>17</sup> Gomme kafao moisa yo monnyane yo, ge a be a phara thaba, feela mohuta wa leboa la Samaria, ke kgona go eleletša go mmona, letšatši la go fiša le phadimela fase, gomme maledu a gagwe a mapududu godimo ga sefahlego sa gagwe, gomme mahlo a gagwe a mannyane a sesefala, gomme ya gagwe ye nnyane, hlogo ya lefatla e phadimile, ge a be a lebeletše tlase godimo ga toropokgolo. Gomme mahlo a gagwe a sesefetše. O be a sa lebelela se baeti ka mehla ba se bonago, go yeng go toropokgolo le go bona maithabišo ohle a yona a bobotse. O lebeletše gomme o bone ke mmono ofe woo toropokgolo yela e bego e fetogile, toropokgolo yeo e kilego ya ba toropokgolo ya Modimo, gomme o tlile ka go bola go go bjalo ga maitshwaro bjalo ka ale. Ga go makatše . . .

<sup>18</sup> Yo monnyane yo, moisa wa go se tsebje e be e le Amose moprofeta. Gomme bjale ga re tsebe kudu gabotse ka ga gagwe. Ga re tsebe mo a tšwago. Baprofeta gantši ba tla tiragalong, ba sa tsebje, ba tloga ka tsela ya go swana. Ga re tsebe moo ba tšwago, moo ba yago, ga re tsebe ka ga bokamorago bja bona. Modimo o no ba tsošetša godimo. O be a se bontši go lebelelwa, eupša o bile le GO RIALO MORENA. Seo ke kgwekgwe ke e bonago. Ka nnete, o tla Samaria go thoma lesolo la gagwe. Ke ne kgonthe ga se a be le tirišano go tšwa go e ka ba mang. Ga se a be le karata ya kopanelo go tšwa go kereke efe ya leina. O be a se ne ditlabakelo go laetša o tšwa go sehlopha sefe. Gomme, eupša, o bile le selo se tee, o bile le Lentšu la Morena bakeng sa toropokgolo yela.

<sup>19</sup> Gomme ke a makala, ge re ka tliša Amose, lehono, go theoga go nako ya rena, ke a makala ge a ka amogelwa ka go toropokgolo ya rena lehono. Ke a makala ge eba re tla mo amogela, goba re tla dira feela boka ba dirile. Re hwetša ditoropokgolo tša rena ka go boleng ga go swana. Gomme re hwetša gore sebe se no ba se segolo magareng ga batho, boka se bile nakong yela. Gomme ke a makala, ge eba yo monnyane yo, monna wa go se tsebje, o ya go thoma bjang lesolo le? Bjang, o ya go thoma kae? Ke kereke efe a yago go yona, goba ke mang a yago go dirišana le yena? O be a

se ne selo go bontšha fao a tšwago, o be a se ne selo le gannyane eupša GO RIALO MORENA bakeng sa toropokgolo.

<sup>20</sup> O ba hweditše ba bodile bjalo le go senyega maitshwaro bjalo, e be e le nako ye kgolo. Basadi ka go toropokgolo yela ba fetogile go nyakile boka ba le ka go United States. Ba be ba senyegile. Se sengwe le se sengwe se Modimo a bego a se letetše go tšwa go bona, ba be ba ile thwi tseleng ye nngwe. Gomme—gomme re hwetša gore e be e le lefelo le legolo moo ba bilego le metantsho mo mokgotheng, basadi ka boitshwarohlephi ba tšola diaparo tša bona, le go ya pele, boka go apola thoso. Nneteng, seo e be e le boithabišo bja phatlalatša matšatšing ao, bjale ke letšatši le lengwe le le lengwe. Anke boso bo no fiša, gomme ga wa swanela go ya pontšhong e ka ba efe. Bona bohle ba mokgotheng, e ka ba kae, go le bjalo. Dihlong go lena basadi, go dira selo boka seo! A ga le lewe ke dihlong ka bolena?

<sup>21</sup> Gomme gona—gomme gona ke boletše seo go mosadi fa, e se kgale botelele, gomme o rile, “Gobaneng,” o rile, “Ngwanešu Branham,” o rile, “go, go—go no ba boka basadi ka moka.”

<sup>22</sup> Ke rile, “Eupša ga ra swanela go itshwara boka batho ka moka. Re ba šele. Rena re mo—mo motho wa go fapano.”

<sup>23</sup> Go nkgopotša ka ga mosadi, o rile, “Gabotse, Ngwanešu Branham,” yo mongwe o rile, “Ga—ga—ga ke apare dišothi tšela.” O rile, “Ke apara dileka.”

<sup>24</sup> Ka re, “Seo se befile go feta.” Uh! “Modimo o rile, ‘Ke makgapha,’ pele ga Gagwe, ‘go mosadi go apara seaparo sa monna.’” Seo ke therešo tlwa.

Yo mongwe o rile, “Gabotse, ga ba dire diaparo e ka ba dife tše dingwe.”

“Ba sa dira metšhene ya go roka le go ba le mašela.”

<sup>25</sup> Ga go na le boitshwareletšo. Go no ba se se lego ka pelong. Ke seo se bontšhago ntle. Se—se itsebiša sonamong.

<sup>26</sup> Gomme bjale re hwetša, ka go toropokgolo ye, e bile go bola maitshwarong. Bareri ba be ba boifa go bolela e ka ba eng kgahlanong le yona. Gomme, eupša ba bile le yo monnyane, moisa wa kgale yo monnyane yo a etla go rotoga godimo ga thaba, o be a etla go ba botša GO RIALO MORENA, “Hlwekišang selo se, goba le ya go ya bokgobeng.” Gomme o phetše go bona matšatši a seprofeto sa gagwe se phethagaditswe. O profetile matšatšing a Jerobeamo wa Bobedi, yo a bego a le lethogošwahla, go le bjalo; o—o ratile ditšhaba tše dingwe. Gomme—gomme Amose yo monnyane yo o profetile le go ba botša, o rile, “Yena Modimo yoo le tteleimago go mo hlankela, O tlo le fetšiša.” Gomme O dirile.

<sup>27</sup> Gomme ge eba segalontšu sa Gagwe se ka ba fa bošegong bjo, ka...ka Birmingham, se tla tteleima selo sa go swana go dikereke. “Yena Modimo yoo le tteleimago go mo hlankela, o

tla le fetšiša letšatši le lengwe.” Ga ke bolele le batheeletši ba fa. Ditheipi tše di ya go dikologa lefase. Bjale, elelwang, yeo ke therešo.

<sup>28</sup> Gona o hwetša, ge a etla ka go toropokgolo, gore o... dilo tšohle tše, ke makala o be a ikwetše bjang go lebelela le go bona go bola ga batho ba Modimo, bao a rometšwego go bona.

<sup>29</sup> Ke a makala ge eba re tla mo amogela bjale? Ge eba a ka tsena, a re ka—a re ka dirišana le yena? A re ka mo fa bokaonekaone bja rena—bja rena? A re ka mo fa šedi ya rena? A re ka sokologa ge a re boditše gore se swanetše go boela morago go Lentšu la Morena le go dira ka tsela ye Morena a rilego dirang?

<sup>30</sup> Ke a makala ke eng dikgaetšedi tša rena ba tla se dirago ka moriri wa bona wa go kotwa? A ba tla tlogela moriri wa bona go golela ntle gape, ge Amose a etla pele? O tla e rera, gomme ke le botša seo, gobane leo ke Lentšu la Morena.

<sup>31</sup> Ke—ke a makala ge eba tša rena—ge e ba dipoto tša rena tseo di ntšhetšago matikone ntle, a nyetše makga a mararo goba a mane, le—le go ya pele ka mokgwa woo, le go leka go ba matikone, ke a makala ge eba dilo tše tšohle. Ke a makala ke eng a tlago e dira go monna yoo a dumelelago mosadimogatša wa gagwe go apara dišothi le go tšwelantle mokgotheng fale, le go kota jarata, ntle ka jarateng, mola monna a feta kgaušwi? Ke a makala ke eng a tlago e bolela go monna boka yola?

<sup>32</sup> Ka kgonthe o tla e thuthupiša ka tšohle di lego ka go yena, ka gobane o bile le GO RIALO MORENA, gomme a ka se dire selo se sengwe eupša seo. O ba hweditše ka letšatšing lela ka taba ye mpe ya bolwetši, sauwe sa semoya, gomme seo e no ba tlwa se re nago sona lehono.

<sup>33</sup> Bjale, o tsebile bjang se se bego se eya go direga? Amose o be a tla tseba bjang? Sa pele, o be a le moprofeta. Gomme, selo sa go latela, o tsebile ka bolwetši se tlhahlobo e bego e le, gomme o be a tla tseba se dipuelo e bego e le.

<sup>34</sup> Ge ngaka a lebelela go go senyega gomme a bona gore go senyega gola go šetše go thomile, o a tseba ga go selo eupša lehu se se šetšego. Ke phetho, ntle le ge Modimo a dira se sengwe ka ga yona.

<sup>35</sup> Gabotse, ge o lebelela toropokgolo, gomme o lebelela batho, o lebelela kereke, gomme wa lebelela batho bao ba tlogilego kgole kudu go Modimo, ga go selo eupša go hlahloba eupša, “Sebe! ‘Gomme meputso ya sebe ke lehu.’ Ke go hwa.” Tlhahlobo e netefatša se se lego. Le a bona, ge batho ba tloga kgole le Modimo gomme ba sa theetše Lentšu, ba se ne tlhologelo bakeng sa Lentšu, gona go ne tlhahlobo e tee go yona, “‘Soulo ye e dirago sebe, soulo yeo etla hwa.’ Gosedumele go tla go arogantšha le Modimo.” Seo ke therešo tlwa.

<sup>36</sup> Seo, o tsebile se bolwetši, se dipuelo di lego, ge a bone bolwetši bja—bja sebe ka go toropokgolo.

<sup>37</sup> Bjale, sauwe se, re a botšwa ke sa—sa—sa . . . go go dira go ba lefelong moo o sa kgonego go itseba. Bjale, ke selo sa go se tlwaelege. Ga se direge kgafetša, eupša dihlolwa ke go tšwa go letšhogo. Ke yo mongwe yoo ebile a sa itsebego ke bona bomang. Le se hwetša go tšwa dintweng, ka dinako tše dingwe, mašole a se hwetša. Ka dinako tše dingwe batho ba a se hwetša. Se sengwe seo se se hlolago, ke matshwenyego. Matshwenyego a tla se hlola.

<sup>38</sup> Matshwenyego ga a ne bokwala go ona, legannyane. Ya, nno—nno—nno tshela matshwenyego, gomme o amogele tumelo.

<sup>39</sup> Yo mongwe o rile, “Gabotse, bjale, go ka reng ge eba o ya go thuntšhwa mo mosong, a o ka se tshwenyege?”

Ke rile, “Aowa, ga ke nagane bjalo.”

“Gobaneng?”

Ke rile, “Matshwenyego ga a dire selo eupša go ntira ke be go befa kudu.”

“Gabotse, ke botse bofe bo yago go e dira go ba le tumelo?”

Ke rile, “E ka nnamolela.” Gomme seo ke nnete, le a bona.

<sup>40</sup> Kafao matshwenyego ga a ne bokwala go ona, le gannyane, eupša tumelo e ne bokwala bjohle. Dumelang!

Bjale matshwenyego dinakong tše dingwe a se hola.

<sup>41</sup> Gomme selo se sengwe seo se se hlolago magareng ga batho, ke go tla magareng ga dikgopololo tše pedi. Seo se hlola sauwe. Gomme go go tliša lefelong moo o—o, ka nnete, se o se dirilego, o lahlegetšwe ke mabaka a gago. O lahlegetšwe ke monagano wa gago. Ga o kgone go dira . . . Ga o tsebe ke wena mang. Ga o kgone go itlhatha wenamong. O ka sepela tikologong, wa ja le se sengwe le se sengwe, eupša, wena, go le bjalo ga o kgone go itlhatha wenamong. O ne thuto ya gago ya sekolo, o ka kgona . . . thuto ya go swana o bilego le yona, eupša ga o tsebe moo e tšwago, ga o tsebe o mang, o ga kae. Seo ke sauwe, re boditšwe bjalo.

<sup>42</sup> Re itsebagatša le malapa a gaborena, ka bophelong bjo bja semotho, ka lenyalo. Gomme le ka basadibagatša ba rena, re a nyala, gomme lapa le rena le tsebagatšwa ka kopano ya lenyalo la rena—la rena—la rena. Gomme ka gona, se o ka se naganago, go ka reng ge selo se sa go šiiša se ka go diragalela gomme wa se kgone go gopola ke mang o mo nyetšego, mosadimogatša wa gago ke mang, bana ba gago ke bafe, tate le mme ba gago ke mang, moagišani wa gago ke mang? Seo e tla ba se—se selo sa go šiiša.

<sup>43</sup> Gona re itsebagatša gape, re ka kgona go itsebagatša ka go moloko wa motho, ka go beng le bohlale le—le go beng go fapania le bophelo bja phoofolo. Phoofolo ga e kgone go nagana, e no ya ka medumo. Ga e na soulo. Gomme, eupša, re bophelo

bja phoofolo. Se se re dirago go fapana... Re diamuši, eupša se... Seamuši sela ke phoofolo ya madi a borutho, gomme re ka go tlhamego ya phoofolo. Eupša se se re dirago go fapana, re itsebagatša ka go beng le soulo, letswalo le le re botšago se se lokilego le sa phošo.

<sup>44</sup> Bjale go ba le lefelo, ge o hwetša sauwe se, o ka no ba bjalo ka Nebukadnetsara, go bile, yo a iphagamisitšego yenamong nako ye nngwe, gomme Modimo a mo dira a nagane o be a le phoofolo. Gomme o phetše ntle lešokeng le—le go ja bjang boka pholo. Gomme—gomme meriri ya gagwe—ya gagwe e goletše fase mmeleng wa gagwe, boka mafofa a ntšu, gomme o be a fetogile pelo ya sebata ka go yena. Le a bona? Seo e be e le sauwe, gobane o be a lebetše gore o be a le kgoši. O be a lebetše gore o be a le motho. Gomme o naganne o be a le phoofolo, kafao o itshwere boka phoofolo, gobane o lebetše o be a le motho.

<sup>45</sup> Seo se bonolo, lehono. Gomme re a lebala, dinako tše dingwe, se Kereke ya Bokriste e lego. Re itshwara bjalo ka lefase. Seo se laetša gore re na le sauwe sa semoya, gobane gore ga le itshware boka Mokriste. Le itshwara boka lefase. Le amogela pelo ya lefase, gomme e hlola se.

<sup>46</sup> Fa re—re hwetša gore Israele e be e pepentšhitšwe, ya pepentšhwia go lefase, gomme e be e wetše ka go tlhagaraga ye. Gomme mopereta yo o be a rometšwe go ba epolla go tšwa go yona, ge a ka kgona, le go ba botša. Modimo, ka mogau wa Gagwe, o kgethile Israele go tšwa go malapa ohle ka moka mo lefaseng. Mogau o be o dirile seo. O be a ba file dinaga tša go kgethega. O ba file dintlo tšebo ba sa nkago ba swanelia go di aga. Modimo o dirile seo, o ba kgethile. O ba file dipolasa tšebo ba sa nkago ba di reka. O—O ba file, O ba file dijo tšebo ba sa nkago ba di bjala. O ba file didiba tšebo ba sa nkago ba di epa. O ba file diphenyo tšebo ba sa nkago ba di thopa. O ba file mogau woo ba sa nkago ba o šomela. Modimo o dirile seo ka mogau wa Gagwe bakeng sa batho ba, Israele, bakgethiwa ba Gagwe, baratwa ba Gagwe.

<sup>47</sup> Gomme o rile, ka go Beibebe, “O mo hweditše ka tšhemong, bjalo ka mosetsana yo monnyane a dutše ka mading a gagwe mong, gomme O mo hlapišitše le go mo hlwekiša, gomme se A se dirilego. Eupša ka morago ga ge Modimo a bontšhitše dikgaogelo tšohle tše go yena, gomme o humile,” o ile a ba le sauwe, sauwe, “gomme o lebetše tšohle ka ga moo dilo tše di tšwago gona.”

<sup>48</sup> Ke a nagana seo ke seswantšho sa U.S.A., 1964. E babja ke bolwetši bja go swana. Re dikereke tše kgolo tše maatla. Re ba bagolo, batho ba maatla. Re dimilione ka palo, gomme re lebetše moo dilo tše di tšwago gona.

<sup>49</sup> Ba bile le taba ye mpe ya sona. Morago ga ge Modimo a bile go loka go bona, le go ba tliša go tšwa dinageng tšohle tša bahetene, gomme a ba dirile batho ba ba arogantšwego, a ba aroganyeditše

go Yenamong. O rile, "O tšere mobeine go tšwa nageng ye nngwe gomme a o bjala mošola ka go naga ye nngwe, le ka fao A o lokišitšego tikologong go o dira o mele kenywa le go enywa, eupša mobeine o lebetše moo ditšhegofatšo tša wona di tšwago."

<sup>50</sup> Batho ba Modimo ba bjalo, ka go matšatši a a mafelelo, ba lebetše se bopaki bja go ba Mokriste bo se rago. Ke gape, sauwe se se tlide godimo ga batho. Ga ba kgone go itlhaologanya bonabeng.

<sup>51</sup> Bona, ba lebetše tšohle ka ga Yona. Ba lebetše bokgethwa bja Gagwe. Ba lebetše molao wa Gagwe. Basadi ba phela boka basadi ka moka.

<sup>52</sup> Kereke ya Modimo le batho ba Gagwe ka mehla ba bile, "Batho ba ba arogantšitšwego, ba—ba batho ba ba bileditšwego ntle, batho ba moswananoši, setšhaba se sekgethwa, boprista bja segosi; ba neela dihlabelo tša semoya go Modimo, dikenywa tsa dipounama tša bona, ba efa tumišo go Leina la Gagwe." Modimo o biditše Kereke ya Gagwe gomme a E aroganya go tloga lefaseng, bakeng sa wona morero woo. Gomme O e file molao, gomme Yena, Yona, e swanetše go ba e kgethwa. O rile, "Nna ke yo mokgethwa, gomme le swanetše go ba ba bakgethwa, gomme ntle le bokgethwa ga go motho a kago bona Morena." Modimo o boletše seo, Yenamong.

<sup>53</sup> Gomme O be a biditše batho ba go ba mohuta wo wa batho, eupša ba be ba lebetše ka ga yona. Ba be ba lebetše melao ya Gagwe, gomme ba be ba lebetše maitshwaro a bona. Basadi ntle ka mokgotheng, basadi ba Baisraele ntle fale, yo mongwe le yo mongwe a letile go—go imišwa ke Moya wo Mokgethwa, go tliša Mesia, gomme gona ba itshwara ka mokgwa wola. Semelo sa bona se be se šišimiša.

<sup>54</sup> Ke nyaka go ema fa motsotso, go re ke selo sa go swana magareng ga batho ba rena, lehono, bao ba ipitšago Bakriste bonabeng. Semelo sa bona, ge feelsa le ka lemoga!

<sup>55</sup> Nako ye nngwe, ka Borwa. Ke badile kanegelo go tšwa tlase fa, moo ge ba be ba fela ba eba le makgoba. Ba be ba tla tše batho bale le go ba rekiša mo mmarakeng, feelsa boka o ka dira ka koloi ye e šomišitšwego. Gomme gona go be go ne moreki, moananyi, o tla tla kgauswi gomme a hlaola makgoba a gomme a ba rekiša, gomme feelsa boka o ka dira koloi goba se sengwe.

<sup>56</sup> Gomme makgoba ale a be a le kgole le naga legae la bona. Ba be ba etšwa Afrika. Maburu a be a ba thopile, a ba tliša godimo fa go dihlakahlaka, gomme morago ba ba šwahlišetša ka United States gomme ba ba rekiša bakeng sa makgoba, ntle go tšwa Jamaica le go dikologa.

<sup>57</sup> Bjale re hwetša gore batho bale ba be ba nyamile. Ba be ba thopilwe go tšwa gae gabobona beng. Ba be ba tšeetšwe ntle ke lenaba, gomme ba be ba nyamile. Ba ka se tsoge ba bone monnamogatša wa bona gape, goba mosadimogatša wa bona

gape, tate le mme wa bona, bana ba bona. Ba be ka go phethagale ba le . . . Ba be ba swanetše go ba hwiphinya, ka difepi, go ba dira ba šome, gobane ba be ba le batho ba ba nyamilego.

<sup>58</sup> Gomme letšatši le lengwe, moananyi o tlide kgauswi le polasa ye e rilego, o bone sehlopha sa makgoba ntle fale se šoma. Gomme o—o tsene le go botšiša mong, o rile, “O ne makgoba a makae?”

O rile, “Go nyakile go ba lekgolo.”

O rile, “O na le e ka ba bafe o nyakago go ba neelana goba go ba rekiša?”

O rile, “Ya.”

O rile, “Anke ke ba senkesenke.”

<sup>59</sup> Gomme o ile ntle tšhemong gomme o ba bogetše, gomme o ba bone ba be ba swanetše go ba hwipinya go dikologa. Gomme morago ga nakwana, o bone yo lesogana le letee ba be ba se ba swanela go le hwiphinya. O be a tekotše kgara ya gagwe le seledu sa gagwe se le godimo; ba be ba se ba swanela go mo hwiphinya. Kafao moananyi o rile, “Ke tla rata go reka lekgoba lela.”

Gomme o rile, “Eupša ga a rekišwe.”

<sup>60</sup> O rile, “Gabotse, phapano ke efe ya lekgoba lela?” O rile, “A lekgoba lela ke molaodi godimo ga bona ka moka?”

O rile, “Aowa, o no ba lekgoba.”

O rile, “Gabotse, mohlomongwe o mo fepa go fapana.”

O rile, “Aowa, o jela ka kalaring le makgoba ka moka.”

<sup>61</sup> O rile, “Gabotse, ke eng e mo dirago go fapana bjalo go makgoba ka moka?”

<sup>62</sup> O rile, “Gabotse, se ke se maketše, le nna, nako ye telele. Eupša letšatši le lengwe ke tsebile, gore, mošola ka go nagalegael moo a tšwago gona, tatagwe ke kgoši ya morafe ka moka. Gomme le ge a le modiiledi, gomme a le kgole le gae, efela o a tseba ke yena morwa wa kgoši, gomme o—o itshwara yenamong boka morwa wa kgoši.”

<sup>63</sup> Ke naganne, “Eupša, seo, ge Monegro a tšwago Afrika, gomme o tsebile gore tatagwe o be a le monna wa moloko le kgoši godimo ga moloko, go swanetše go dira eng go Mokriste yoo a tswetšwego gape, monna goba mosadi, gore Tatawešu ke Kgoši ya Legodimo ka Letagong!” Re swanetše go itshwara renabeng bjalo ka banna le basadi ba Bakriste. Re swanetše go dira boka bjona, go apara boka bjona, go bolela boka bjona, go phela boka bjona. Le ge re le modiiledi, efela re bana ba Kgoši. Amene.

<sup>64</sup> Semelo sa rena, go ngena mooko ga rena mo matšatšing ao re phelago ka go ona bjale! Israele e be e wetše ka go tlhagaraga ya go swana gomme e be gape e le boitshwarahlepi. Ba be ba lebetše melao ya Modimo, “O se ke wa dira bootswa, gomme o se ke wa duma mosadimogatša wa moagišani wa gago,” le go ya pele. Ba be ba lebetše melao yeo. Ga—ga—ga se ba hlwe ba sa o nyaka.

Gomme ba—ba nyakile go—go ba bjalo ka lefase ka moka, feela boka kereke e dira lehono.

<sup>65</sup> Nako ye nngwe, Israele, ge ba thoma, ba nyakile go ba le kgoši godimo ga bona. Samuele o ba boditše, moprofeta yo a bego a rometšwe go bona, o rile, “Bjale a nkile ka ke ka le botša e ka ba eng Leineng la Morena eupša se se diregilego?”

Ba rile, “Aowa, ga se nke.”

<sup>66</sup> “A nkile ka ke ka le kgopela bakeng sa dijo le tšhelete, tšhelete ya lena, le yona, go nna go phela ka yona?”

<sup>67</sup> “Aowa, ga se o dire seo. Ga se nke wa ke wa re botša selo, Samuele, eupša se se diregilego. Gomme ga se nke wa ke wa re kgopela bakeng sa tšhelete ya rena, bakeng sa boiphedišo bja gago. Eupša, efela, re nyaka kgoši, go le bjalo.”

<sup>68</sup> Modimo o rile go Samuele, “Ba tlogele ba be le yena. Ga se ba gana wena; ba ganne Nna.”

<sup>69</sup> Israele e tlide ka go sebopego sela sa go swana bjale. Ga se ba hlwe ba nyaka baprofeta ba Modimo. Ba be ba sa ba hloke. Gomme ge yo motee a ka tla, le go ba tlišetša Lentšu, le go leka go ba bušetša Lentšung, ba be ba tla Le gana. Ka mehla ba e dira, ka mokgwa wola wa tshenyego.

<sup>70</sup> Ge lefase le kereke di tšoenana mmogo tšonabeng, gona ga ba nyake selo sa semoya. Ga ba nyake GO RIALO MORENA. Ba nyaka se ba se nyakago. Ba nyaka lefase, le go re ke bona Bakriste; le go phela ka lefaseng, le go phela le lefase, le go phela boka lefase, gomme ba sa swareletše boipolelo bja bona bja go beng Mokriste. Le a tseba, selo sa gona ke, ke sauwe sa semoya. Seo ke tlwa se se lego. Ga ba tsebe ke bona bomang. Ba lebetše se ba swanetšego go se dira.

<sup>71</sup> Ge yo mongwe a ka tla lehono, ka mokgwa woo, go tla ganwa feela go swana. Ba bile le taba ye mpe ya yona, gomme lehono ba nayo bjalo. Ga se ba kgone go itswalanya bonabeng le dilo tša kagodimogatlhago, gapegape, ka gobane ba be ba sa se nyake. Lentšu, Ebangedi, ba be ba sa E nyake. Bolwetši bja sebe bo be bo ba hlasetše, gomme ba ratile seo.

<sup>72</sup> Sebe se a dumisa go pelo ye e sa sokologago. Se bonala go loka go monagano wo o sa sokologago, eupša ke tsela ya lehu. Ga go se se šetšego eupša lehu. “Moputso wa sebe ke lehu,” gomme le swanetše go buna yona meputso. Le bjaletše phefo, gomme bjale le buna sesasedi.

<sup>73</sup> Maswao a semoya le go rera ga motseta yo a hlomamišitšwego go tšwa go Modimo, ga se go hlwe go ba hudua gape. Basadi ba kgonne go sega thwi sefahlegong sa bona, le go re, “Ga ka swanela go ya go kwa dilo tše bjalo boka tše.” Ge seo se sa ipušeletša gape! Ke eng? Sauwe sa semoya, se se lego tlwa. Ba lebetše gore Modimo le Lentšu la Gagwe ba a swana, gomme A ka se kgone go Le fetola.

<sup>74</sup> Ge moprofeta a tsogile mo tiragalong mo matšatšing ao gomme a fa leswao la semoya, segalontšu sa semoya, gomme a file segalontšu sa Modimo ka morago ga lona, ba be ba tla no Le sega le go dira metlae ka Lona.

<sup>75</sup> Le tseba polelo ya kgale, “Ditlaela di sepela ka dieta tša go tsatsampela moo Barongwa ba šiago go sepela.” Seo ke se sauwe se sa moya se se dirago. Se dira batho ba tle lefelong go fihla moo ba se sa na maikutlo ka teng ga bona. Ga ba nyake selo sa semoya.

<sup>76</sup> Tšea kopano ya kgonthe ya semoya, moo Moya wo Mokgethwa o fodisago balwetsi le go hlatha dikgopolole tše di lego ka pelong, gomme o o bee magareng ga dikereke tšohle, fela rali ye kgolo ntle fa ka go setetiamo se, gomme o bone se se tlago direga. Mo metsotsong e se mekae, yo mongwe le yo mongwe o tla be a emeleta le go tloga. Ga ba na selo go dira le yona. Ga ba nyake go dira selo ka yona. Ba tla theeletša polelo tsoko ye bohlale.

<sup>77</sup> Eupša ge go etla go Maatla a Jesu Kriste, le tsogo ya Gagwe, le Moya wo Mokgethwa, ga ba nyake selo go dira le Wona, ka gobane o a ba sola. O ba tukiša ka selo seo ba swanetšego go se tseba. Ga go go kgalwa, ka nnete, go lego bose lebaka la nakwana. Eupša, gona, ge o ka ineela go gona, go—go tliša dikenywa tša tshokologo. Kafao re hwetša, ge sauwe se sa semoya se swara batho, gona ba—ba ka go seemo se sebe. Bjale re hwetša sa go swana bjale. Bjale ke nyaka go . . .

<sup>78</sup> O swanetše o tswalantšwe. Felotsoko, o swanetše go bontšha. Bophelo bja gago bo a bontšha, bosegong bjo, moo o tswalantšhwago gona. O itswalantšha ka go Kriste goba ka ntle ga Kriste. Ga o tsela seripa. Ga go selo se se bjalo ka motho wa go tagwa go hlapologelwa. Ga go na nonyana ye ntsho bošweu. E ka ba o pholositšwe goba ga se wa pholoswa. O mokgethwa goba modiradibe, o tee goba yo mongwe, gomme mokgwatebelelo wa semoya wa gago go Lentšu la Modimo o go tsebagatša tlwa moo o emego. Thwi!

<sup>79</sup> Lentšu la Modimo, le hlatseditšwe, le netefaditše gore kolobetšo ya Moya wo Mokgethwa e no swana bjalo ka ge e kile ya ba mo Letšatšing la Pentecost goba nako efe ye nngwe. Gomme Jesu Kriste o a swana maabane, lehono, le go ya go ile. Gomme mokgwatebelelo wa gago go Woo o tsebagatša ge eba o ne sauwe sa semoya, goba aowa. Yeo ke nnete. Ga go tshwenyege ge eba o motikone, goba ebile ge o le moreri, ga go dire . . . Ya, ba se hrhetša, le bona. Kafao re hwetša, se a fetela gomme se betha selo ka moka. Bjale re a lemoga.

<sup>80</sup> Bjale, go ba Moamerika. Go ba Moamerika, ke swanetše go tsebagatšwa le setšhaba sa gešo. Bjale theetšang sekgauswi. Go ba Moamerika, ge ke tswalwa fa ka nageng ye, ke bile modudi, gomme ke tsebagatšwa le setšhaba se. Tšohle se lego, ke sona.

Tšohle se kilego sa ba, ke sona. Gobane ke itsebagatša bjalo ka Moamerika, gona ke swanetše go tsea tšohle tša kgobogo ya yona, tšohle tša letago la yona. E ka ba eng e lego, ke sona, gobane ke itsebagatša le yona. Amene. Ke nyaka le e hwetše. Ke itsebagatša bjalo ka modudi wa Moamerika, gona tšohle e bilego, ke sona. Tšohle e lego, ke sona. Ke swanetše go ba karolo ya yona. Ke swanetše . . . ge ke le modudi wa Moamerika, ke karolo ya Amerika. Gomme tšohle tšeō e lego, ke tšona.

<sup>81</sup> Ga ka swanela go tsoge ke lebetše se. Ge ke nyaka go dula ke le modudi wa therešo wa Moamerika, ke swanetše go gopola gore ke se setšhaba sa gešo se lego, gobane ke tsebagatšwa le setšhaba sa gešo. Go mo lebala, goba—goba . . . Go mo lwela, goba go mo hwela, goba go emela tšohle a di emelago, ke swanetše go e emela. Se setšhaba sa gešo se lego, ke sona. Se se se emelago, ke a se emela. Go ba Moamerika wa go botega, ke tla ba komana go se hwela, go se lwela, go se emela, go dira e ka ba eng e lego gona. Ke karolo ya sona. O ka se kgone go e topatopa ntle le go ntopatopa. Ge o bolela se sengwe kgahlanong le yona, o se bolela kgahlanong le nna, gobane ke Moamerika. Go e bolela kgahlanong le wena, bjalo ka Moamerika, le se ba se bolelago kgahlanong le setšhaba se, ba se bolela kgahlanong le wena, ka gobane o karolo ya sona. Le se tsoge le e lebetše; ge le dira, gona le ne sauwe, kgonthe go lekanelia.

<sup>82</sup> Gomme, elelwang, ga o modudi wa Amerika ge o sa kgone go ba karolo ya yona. O swanetše go ba. Se Amerika e lego, o swanetše go ba le wena. Ke swanetše go ba batšeakarolo ba gagwe. Se ke setšhaba sa gešo, ke swanetše go ba batšeakarolo le sona. Se e lego, ke sona. Le a bona, se a bilego, ke sona. Ga go tshwenyege se a bilego, ke sa le se a lego sona.

<sup>83</sup> Go ba Moamerika, ke tsoramile go Plymouth Rock, le yena, le botatemogolo. Ke be ke swanetše; ke karolo ya gagwe. Ke otletše le Paul Revere, go mo sebotša ka ga dikotsi tša gagwe. Ge ke le modudi wa kgonthe wa Amerika, ke tsoramile Plymouth Rock. Ke otletše le Paul Revere, go mo sebotša ka ga dikotsi tša gagwe. Afa le tseba se ke se rago bjale?

<sup>84</sup> Ke tshetše Delaware ya go tšidifala, le George Washington, le mašole a gagwe a go se rwale dieta. Ke be ke le gona, ke itsebagatša le setšhaba se. Se a se dirilego fale e be e le karolo ya ka; se ke se dirago bjale ke karolo ya gagwe. Ke tsebagaditšwe le Washington, ka Delaware.

<sup>85</sup> Ke eme le Stonewall Jackson, ge bobo bo be bo le kgahlanong le yena kudu, gomme ba botšišitše, “O kgona go ema bjang boka leboto la letlapa, ge bobo bo le kgahlanong le wena?” Moisa yola yo monnyane wa dihlong wa mahlo a bolou o ragile lerole le ka diputsu tša gagwe, o rile, “Ga nke ka nwa meetse go fihlela ke leboga Ramaatlakamoka Modimo bakeng sa ona.” Ke swanetše go ema boka leboto la letlapa le yena. Ke eme fale le Stonewall

Jackson. Go ba Moamerika, ke tsebagantšwa le yena le go ema ga gagwe. Go tshela ya Delaware! Go lweng dintwa!

<sup>86</sup> Ke phaphaseditše folaga. Ke be ke ne bona ge ba phaphasediša folaga ka Guam. Ka morago ga dikete tša mašole a Amerika a neetše bophelo bja bona, le ge sehlopha sel a se sennyane se kitimela godimo fale le go phurulla folaga, Ke tsebagaditšwe go go phagamišweng ga folaga yela; yo mongwe le yo mongwe wa rena re bile. Badudi bohle ba Amerika ba tsebagaditšwe le folaga yela e lekeletšego godimo ga Guam. Ge ke kwele gore ba tsemile folaga yela godimo fale, dikeledi di theogile marameng a ka. E be e le nna. E be e le wena. Seo se ra rena bohle, ge re be re tsebagatšwa fale le yeo.

<sup>87</sup> Sohle a lego, ke sona. Letago la gagwe lohle ke letago la ka. Dihlong tša gagwe tšohle ke dihlong tša ka. Ge eba o be a dirile dilo tša dihlong, gona ke tla swanela go mo tsepelela... emela kgobogo ya gagwe. Ge eba a amogela letago, ke amogela letago le yena, gobane ke tsebagatšwa le yena. Bjale, go tsebagatšwa, Maamerika ba swanetše go emela bakeng sa dihlong tšohle tša Amerika, letago lohle la Amerika, tšohle a kilego a ba. Tšohle a lego, goba se a tla bago, o tsebagaditšwe le sona.

<sup>88</sup> Bjale, go ba Mokriste wa therešo, o swanetše go ba sa go swana. Ga re nyake go lebala seo. Tšohle A bilego, ke tsebagaditšwa le Yena. Ke tsebagatšwa le yena.

<sup>89</sup> Hlokamelang, gomme O ka go nna, gomme ke ka go Yena. Hlokamelang, gona, Mokriste yo mongwe le yo mongwe yoo a lego Mokriste—Mokriste wa mmapale, O be a ne Yena, “Mola dinaledi tša moso di opela mmogo gomme barwa ba Modimo ba goeletša ka lethabo, pele go bile motheo wa lefase.” Re tsebagaditšwe ka go dikgao tša go se hwe le Modimo, mengwaga ye lesome la dimilione pele lefase le ka tsoge la bopša. Ke be ke le morago fale le Yena. Ge ke na le Bophelo bjo Bosafelego, ke be ke le fale le Yena. Ke tsebagaditšwe le Yena, “Mola dinaledi tša moso di opela mmogo gomme barwa ba Modimo ba goeletša ka lethabo.”

<sup>90</sup> Ke be ke na le Yena ge A bitša Abraham ka mengwageng ya—ya bogolo bja mengwaga ye masomešupatlhano, gomme mosadimogatša wa gagwe a le masometshelatlhano, gomme o mmoditše ba be ba eya go ba le lesea. Ke be ke na le yena ge a tšere boemo bja gagwe godimo ga GO RIALO MORENA, “Ke ya go ba le lesea.” Ke eme le yena. Mokriste yo mongwe le yo mongwe gape o eme le yena. Ke be ke na le yena ge meleko ya gagwe e etla. Ke be ke na le yena ge a rotogetše ka godimo ga thaba, go neela ka Isaka. Ke be ke na le yena ge kgapa e tšwelela.

<sup>91</sup> Ke be ke na le Josefa ge a gannwe ke banababo, gobane o be a le wa semoya gomme ka moka ga bona ba le senama. Ke be ke na le yena ge a tsebile kgobogo a bego a swanetše go e emela ka banababo beng. Se a bilego, ke sona. Se ke lego, o be

a le. "Gobane bohole re batee ka go Kriste Jesu." Ke be ke na le Josefa ka mphomeng wa gagwe, lebitla. Ke be ke na le yena ge a eya seatleng se setona sa Farao. O be o swanetše go itsebagatša le yena.

<sup>92</sup> Ke be ke na le Jakobo bošegong bjola ge a katane bošego bjohle le Morongwa. Ke katane, nnamong. Ke tseba se a fetilego go sona. Kafao ke katane le Jakobo nako ya go swana a dirilego, gobane ke ngwanabo.

<sup>93</sup> Ke be ke na le Moshe ge a theogetše tlasse ka Egepeta. Ke be ke na le Moshe sethokgweng se se bego se tuka. Ge o le Mokriste, o tsebagatšwa le bona baanegwa ba Beibebe. O se e lebale! Ke be ke na le Moshe ge batho bohole ba mo hlanogetše. Ke be ke na le Moshe ge a tshela Lewatle le Lehubedu. Ge a phagamišitše seatla sa gagwe gomme a sepeletše pele, gomme Lewatle le Lehubedu la bulega, ke be ke tsebagaditšwe ka go Kriste thwi nako yeo, gomme ke be ke na le Moshe mo iring yeo.

<sup>94</sup> E ka ba eng Bakriste ba bilego, e ka ba eng badumedi ba bilego, modumedi yo mongwe le yo mongwe bjale o tsebagatšwa le motho yola wa go swana. E ka ba eng e lego, o swanetše go tsebagatšwa. Le se lebale seo. Ge le dira, le ne sauwe sa semoya; le lebetše ke lena bomang.

<sup>95</sup> Bjale go tsebagatšwa le yena, le Moshe, ge a tshela lewatle.

<sup>96</sup> Ke be ke na le Eliya mo matšatšing a Ahaba, ge ba be ba swanetše go dira kgetho ke mang ba tla mo hlankelago, Modimo goba Baali. Re be re na le yena Thabeng ya Karamele, ge a be a swanetše a dire kgetho ye, gobane re tsebagatšwa ka go Mmele wa Modimo wa go swana woo a tsebagaditšwego ka go ona. Kafao ge re tsebagaditšwe ka go Mmele wola, gona re swanetše go elelwa re be re na le yena. Yeo ke nnete.

<sup>97</sup> Bjale, ke be ke na le Dafida, ge a be a ganwa ke baena ba gagwe mong. Ke be ke na le Dafida; o be o le, le wena, ge o le Mokriste. O swanetše go tsebagatšwa ka go go ganweng ga gagwe.

<sup>98</sup> Ke be ke na le bana ba Bahebere, ka leubeng la mollo, ge mo—mo mollo o sa kgona go ba tšuma ka lebaka la Bogona bja Monna wa bone.

<sup>99</sup> Ke be ke na le Daniele, ka legolong la ditau. Ke be ke tsebagaditšwe ka fale, ge Morongwa wa Morena a mo tsebagatša ka fale.

<sup>100</sup> Ka kgonthe ke be ke na le Yena kua Khalibari. Ke swanetše go tsebagatšwa le Yena kua Khalibari. Ke swanetše go ba fale go lefelo, leo, moo go sego feela ke tsebagaditšwe le Yena kua Khalibari, ke hwile le Yena kua Khalibari. Mokriste yo mongwe le yo mongwe o swanetše go hwa le Yena kua Khalibari. Ge o sa hwe le Yena kua Khalibari, o ka se be wa Gagwe. Ke be ke le fale ge A ehwa. Ke hwile le Yena. Gomme gona ke be ke na le

Yena ge A tsogile go tšwa bahung. Ke tlie godimo ka mosong wa Paseka le Yena, mo tsogong. E ka ba eng A e dirilego, ke be ke le thwi fale le Yena; modumedi yo mongwe le yo mongwe o be a swana.

<sup>101</sup> Gomme bjale ke dutše le Yena Mafelong a Magodimong ka go Kriste Jesu, le maatla ohle a hele a fentšwe, ka Yena. Modumedi yo mongwe le yo mongwe wa Mokriste o be a dutše ka tsela ya go swana, gobane o swanetše go tsebagatšwa.

<sup>102</sup> Bjale ke ikhwetša nnamong, ka matšatšing a a mafelelo, le ba bantši ba badumedi ba Bakriste, re tsebagaditšwe ka go bodiredi bja Gagwe. “O a swana maabane, lehono, le go ya go ile.” Ke ikhwetša nnamong, letšatšing le, ke tsebagatšwa ka go bodiredi bja Gagwe. A o ikhwetša wenamong ka tsela yeo, o e dumela, o sepela le yona? Hlokomelang, mediro yeo A e dirilego, O rile modumedi o tla dira selo sa go swana. “Mediro ye Ke e dirago le tla e dira le lena.” Gona a o ka tsebagatšwa le Yena? Gona ge kgobogo e etla go Lentšu, a o ka kgona go emela kgobogo boka A dirile, le a bona, go tsebagatšwa le Yena? Ke be ke tsebagaditšwe le Yena.

<sup>103</sup> Ke be ke na le Yena ka Letšatši la Pentecost. Ke be ke na le barutiwa godimo fale, ke tsebagaditšwe le bona ka go kolobetšo ya Moya wo Mokgethwa.

<sup>104</sup> Ke a makala ge eba kereke ga se e swarwe ke sauwe bontši kudu bjale gore ga ba, ba bangwe ba bona, ebole ga ba dumele go na le selo se sebjalo ka Moya wo Mokgethwa. Le bona moo kereke e lego? Taba ye mpe kudu ya sauwe! Le a bona, ba be ba lebetše gore yola e be e le Jesu Kriste morago fale. Ba lebetše se Jesu Kriste a bego a le sona. Ba lebetše. Ba naganne O be a no ba mo—mo modiramolao, goba moprefeta, goba mo—mo monna wa go loka. Ba lebetše gore O be a le Modimo. Ba lebetše gore O a swana maabane, lehono, le go ya go ile. Gomme kereke e na le taba ye mpe ya sauwe sa semoya. Ba lebetše dilo tše tšohle tše. Ga ba sa O kwešiša gape.

<sup>105</sup> Re swanetše go ba le barutiwa ka Pentecost, re tsebagaditšwe le bona. Ke be ke tsebagaditšwe le theroy Petro ka Letšatši la Pentecost, ka go Ditiro tema ya 2. Ke kwele se a se boletšego. Ke dumela se a se boletšego. Ke obametše se a se boletšego. Bjale ke tsebagaditšwe ka go selo sa go swana.

<sup>106</sup> Se beng le sauwe sa semoya. Gobane, le tla dira, le tla itsebagatša lenabeng le se sengwe gape. Dulang thwi le Lentšu lela!

<sup>107</sup> Re be re na le Kereke ge e be e rongwa ke Jesu Kriste, ka go Ditiro, tema ya 16. “Eyang lena ka lefaseng ka moka, gomme le rere Ebangedi go sebopša se sengwe le se sengwe.” Ke nyaka go tsebagatšwa fale, “Lefase ka moka, go sebopša se sengwe le se sengwe.” “Maswao a a tla latela bona bao ba dumelago,” o ka tsebagatšwa ka go seo.

<sup>108</sup> Gabotse, bjale, a o tsebagaditšwe le seo, goba a o ne sauwe tsoko sa semoya, gore o hwetša ga o dumele maswao ale a latela badumedi? Le a bona, ge o sa e dumela, gona o ne sauwe sa semoya, o a bona, o lebetše gore Modimo o tshepišitše seo. O rile, “Maswao a a tla latela bona ba ba dumelago.” O se e lebale. O ka se e lebale gomme wa ba Mokriste. O swanetše go tsebagatšwa le yona.

<sup>109</sup> O swanetše go tsebagatšwa le Mokgethwa Johane tema ya 14, temana ya 12. “Yo a dumelago le Nna, mediro yeo Ke e dirago o tla e dira le yena.” O se e lebale. Ge o dira, gona o na le sauwe sa semoya. O lebetše o mang. O lebetše se bopaki bja gago bo se rago.

<sup>110</sup> Go ka reng ka ga, O rile, “Ge le dula ka go Nna, gomme Lentšu la Ka ka go lena, le ka kgopela se le se ratago gomme se tla direlwa lena”? A o tsebagaditšwe fale, go dumela gore yeo ke Therešo? Mareka 11, ge A rile, “Ge o ka re go thaba ye, ‘šutha,’ gomme wa se belaele pelong ya gago, eupša wa dumela gore se o se boletšego se tla direga, o ka hwetša se o se boletšego.” A o ka tsebagatšwa fale, go dumela gore yeo ke Therešo? Ge e sa ka, gona o hwetša sauwe sa semoya.

<sup>111</sup> Gomme—gomme o a lebala, o lahlegelwa ke boithekgo bja gago bja Bokriste. Ga o kgone go bolela o wa ga kae. O re, “Ke nna Momethodist. Ke nna Mobaptist. Seo ke se ke tsebago ka sona. Ke nna Mopentacostal. Ke nna *se, seo, goba se sengwe.*” Phafogang! Seo se ka no ra gore leswao la bolwetši le bonagala go wena, gore o na le sauwe sa semoya.

<sup>112</sup> O re, “Gabotse, Ngwanešu Branham, ke—ke dumela *se*, gomme le gannyane ga ke—ke . . .” Bjale ema feela motsotsso. Ge Modimo a tshepišitše go dira dilo tše, gomme a rile di tla ba gona matšatšing a mafelelo, gomme thutotumelo ya gago e tla go tloša go yona, leo ke leswao gabotse ke kgonago go bona leswao la bolwetši le go wena. Ke sauwe sa semoya. O lebetše go itsebagatša wenamong le Lentšu.

<sup>113</sup> O re, “Ga ke dumele gore balwetši ba a fola.” O ne sauwe ya semoya.

<sup>114</sup> O re, “Ga ke dumele go kolobetšo ya Moya wo Mokgethwa.” Sauwe ya semoya!

<sup>115</sup> O re, “Ga—ga ke dumele gore Modimo o tshepišitše go dira dilo tše mo matšatšing a mafelelo.” Gona o theeditše thutotumelo, goba thuto tsoko, sebakeng sa Beibele. O na le sauwe sa semoya. Ga o tsebe o wa ga kae gona. O a ipolela, “Mokriste,” gomme o gana Lentšu. Go go tliša morago go sauwe sa semoya gape, o a bona, ga o tsebe moo o emego. O na le sauwe sa semoya. Ga o kgone go itsebagatša wenamong le Mangwalo.

<sup>116</sup> O swanetše go ba le barutiwa. O swanetše go ba le Lengwalo lohle, le Kereke ge e rongwa. Eupša, bjale, ge Kereke e ronngwe, “Eyang lena ka lefaseng ka moka gomme le rere Ebangedi;

maswao a a tla latela bona bao ba dumelago,” yeo e bile thomo ya gagwe. Bjale ba ne . . . Yeo e be e le thomo.

<sup>117</sup> Eupša ba ne taba ye mpe ya sauwe sa semoya, feela boka Efa a tlide go . . . go yena, go dikologa go kgabola serapa, letšatši le lengwe. Bjale o boka Israele, a babja ke bolwetsi bjo bja go swana, aletši go tšwa dijong tša seminareng tseo di tla go fago sauwe sa semoya. Hwetsa dijo tsoko tša seminareng, gomme o tla hwetsa aletši, gomme nako yeo, selo sa pele o a tseba, o tla ba le sauwe gampe ka kgonthe. Ga o dumele e ka ba eng Beibele e e bolelago.

<sup>118</sup> Seo ke se bothata bo lego ka kereke lehono. Seo ke se e lego bothata re sa kgone go ba le tsošeletšo lehono. Seo ke se e lego bothata ka batho lehono. Ba rethefaditše kudu godimo ga malahle a se sengwe le se sengwe, le ism ye nngwe le ye nngwe yeo e ka phaphawago, go fihla ga ba tsebe se e lego nnete le phošo. Tlwa. Ga a kgone go gopola Morena wa gagwe. Ga a kgone go gopola Lentšu la Gagwe. Ga a kgone go gopola tshepišo.

<sup>119</sup> Seo e be e no ba feela se e bego e le bothata ka Israele, ge Jesu a etla tiragalang. Ga ba kgona go gopola, gore, “Kgarebe e tla ima.” Ga ba kgona go gopola gore Moshe o rile, “Morena Modimo wa lena o tla tsoša Moprefeta boka Nna.” Ba bile le sauwe sa semoya.

<sup>120</sup> Seo ke tlwa se kereke e se hweditšego lehono. O rile, “Go tla direga mo matšatšing a mafelelo,” gore dilo tše di tla direga, tše re di bonago di diregago, gomme kereke e dutše feela go hwa bjalo ka iri ya lesomepedi. Ke eng? Sauwe sa semoya. Re ipitša Pentecost renabeng, gomme ga re kgone go itsebantšha, gomme ga re kgone go itsebantšha renabeng ka go Lentšu ge Le rerwa ka maatla a tsoge ya Kriste; gomme Yena fa magareng ga rena, a e diragatša, le go dira tlwa se A rilego O tla se dira. Gona, phafogang, tshepedišo ya dikereke tša rena tša maina e re tlišitše ka go sauwe sa semoya. Re a sotlega. Ga re tsebe re ba ga kae. Yo mongwe o tsea dipampiri tša gagwe go tloga kerekeng *ye* go ya go ye *nngwe* kereke, le kereke *ye*, le ism *ye* le ism *yela*. Le a bona?

<sup>121</sup> Se re se hlokago, gape, ke Amose yo mongwe go tla tiragalang, ka GO RIALO MORENA. A re be re tla mo amogela? Go nyakile go swana le ge ba dirile. Ga sa nke ba ke ba mo amogela. Ba ka se mo amogelete lehono. O be a ka se kgone go tliša hlogo ya gagwe mo lefelong, le gannyane, go rera. Bjale, seo ke nnete tlwa, gobane kereke e babja ka sauwe sa semoya.

<sup>122</sup> Bjale, gabaneng? Modimo o tshepišitše mo matšatšing a a mafelelo, “Ge Morwa wa motho a tla utollwa,” go ya ka Luka, tema ya 17, “go leswao leo le bego le direga ka Sodoma, le tla direga gape.” Gomme batho ba e bona e dirwa, gomme ba bangwe ba bona ebile ga ba e dumele. Ba nagana ke go bala monagano. Ba nagana ke moyo wa diabolo. Ke eng? Ba babja ka sauwe sa semoya. Seo ke tlwa. Ga ba kgone go kwešiša Morena. “Jesu

Kriste o a swana maabane, lehono, le go ya go ile.” Se A bego a le sona nakong yela, O sona bjale.

<sup>123</sup> Eupša, se se diregilego, re no se kgone go itsebagatša renabeng le Lentšu gape. Gobaneng? Yena, ga a tsebe ge eba ke yena lotše goba ge eba ke yena kereke. Ga a nyake go bitšwa lotše, gomme ga a kgone go bitšwa kereke; gobane, go bitšwa kereke, go tla tsebagatša yenamong le Kriste. Seo se mo fa sauwe sa semoya. Gomme ga a nyake go bitšwa lotše. Kafao ga se kereke ya Pentacostal, kereke ya Methodist, kereke ya Baptist; ke lotše ya Pentecostal, lotše ya Methodist, le lotše ya Baptist, gobane ga a kgone go tsebagatšwa le Lentšu. Gomme ge Lentšu le dirilwe go bonagatšwa, ba sa no se Le dumele. Ke bolwetši, sauwe sa semoya. Ga ba kgone go itsebagatša bonabeng; ga ba tsebe ke bona ba gae. Yeo ke nnete.

<sup>124</sup> Go no ba tlwa boka go tswakanya se sengwe. Bjalo ka ge ke fela ke bolela, “Ka mehla ke naganne se sengwe sa dilo tša bošilo nkilego ka se bona e bile moula.” Le a bona, ke motswako. Le a bona, mmagwe e bile peretshadi, papagwe e bile tonki, gomme ebile ga a tsebe ke wa ga kae. Gomme selo sa mathomo le a tseba, le tla, o—o ka kgona go mo tswadiša gomme wa hwetša tonki, gomme gona... goba wa hwetša moula, eupša moula ga o kgone go itswadiša wonamong morago gape. Le a bona, ga a kgone. O ka se kgone go o ruta selo. O hlogothata. O ka se tsoge wa mmotša e ka ba eng... O ka bea tšona ditsebe tše kgolo tše telele. Gomme o tla leta go fihla letšatši le leteleletele la bophelo bja gagwe, feels pele a ehwa, go go raga. Yeo ke phetho. Ka mehla o letile bakeng sa se sengwe go se kgoromeletša go wena, ge a ka kgona.

<sup>125</sup> Gomme seo se mpea monaganong wa boati bja ba ba bitšwago Bakriste ba go tswakwa. Ba tswakile kereke go fihlela ba hweditše bolwetši bja sauwe sa semoya. Ga ba kgone go tšweletša selo gape.

<sup>126</sup> Ba bolela ka lehea la go tswakwa. Lehea la go tswakwa ga se selo. Ke selo se sempempe o kilego wa se lahlela ka molomong wa gago, e ka ba eng ya motswako. Ke ka lebaka leo o swanetše go tšea dimela tše dinnyane tša bobjaloborutho, le selo sa motswako, le go se futhela le go se alafa le go se hlekenesetša. Gobaneng? Ka gobane ga di kgone go raka dikhunkhwane go tšona.

<sup>127</sup> Eupša ya mmapale, setswalwaphethegi, ga wa swanela go bea dibolayadikhunkhwane go yena. O ne Maatla ka go yenamong, go raka dikhunkhwane go yena. Seo ke se se tšeago go raka dikhunkhwane tša gosedumele go tloga go monna wa kgonthe wa mmapale wa Semoya.

<sup>128</sup> Tšeа moula wa kgale, gomme o ye go bolela le yena, o re, “E re, mošemane, ke nyaka o dire *se, seo*.”

<sup>129</sup> O tla dula mola, “Haw! Haw! Haw!” Tšona ditsebe tše dikgolo di eya godimo le tlase. Ke bone bo—bo boati bja Bakriste go nyakile go swana le seo, ba ba bitšwago.

<sup>130</sup> O re, “Jesu Kriste wa go swana maabane, le go ya go ile. Maswao a a tla latela bona ba ba dumelago.”

<sup>131</sup> “Huh? Ke a dumela matšatši a mehlolo a fetile. Huh? Huh? Huh?” Le a bona, ga a tsebe se a se dumelago. Ga a tsebe selo. Ga a tsebe moo a tšwago gona; ga a tsebe moo a yago. O na le sauwe sa pere. Ga a tsebe moo a tšwago gona, gomme ga a kgone go ya pejana.

<sup>132</sup> Eupša ke rata setswalwaphethegi. Oo, ke yo botho. O ka kgona go bolela le yena. O tseba papagwe e be e le mang, mamagwe e be e le mang, tatemogolo le koko wa gagwe e be e le mang. O na le mangwalo a tshwanelo go bontšha moo a tšwago gona.

<sup>133</sup> Gomme ke rata Mokriste wa tshwanelo, yoo a kgonago go ya tsela yohle morago go Lentšu la Modimo go letšatši la Pentecost, le go itsebagatša bonabeng fale le bakgethwa, moo Maatla a Moya wo Mokgethwa a tliego godimo ga bona. Yoo ke Mokriste wa tshwanelo. O tseba mo a tšwago. Ga a itsebagatšwe le Methodist, Baptist, goba selo gape. O tsebagatšwa ka go Lentšu la Modimo. O tseba tlwa moo a emego. Madi a segosi a Tatagwe a elela go mo kgabola; Madi a Jesu Kriste. O tseba se A se dirago! O dumela Lentšu le lengwe le le lengwe. Modimo o šoma ka yena gomme o le tiišetša ka maswao ao A tshepišitšego go latela. Ga a ne sauwe sa semoya. Ke setšweletšwaphethegisa mmapale. Ke rata seo.

<sup>134</sup> Eupša kereke lehono e na le taba ye mpe ya sauwe sa semoya. Ga e tsebe ke ya ga kae. E lebetše tšohle ka ga Ona, e lebetše dilo tše tšohle tše di e dirago Kereke.

<sup>135</sup> Ke eng e re dirago go huma bjalo ka ge re le? Go fihlile lefelong la Laodikea gape, morago ka go lefelo lela la go huma boka Israele e bile. Ge e be e diila gomme ya swanelwa go bota Modimo go se sengwe le se sengwe e kgonnego go dira, se sengwe le se sengwe e se hweditšego, e botile Modimo; nako yeo Modimo o bile le yona, gomme e be e le semoya, gomme e ile pele. Eupša ge e humble, sese se se diregilego: ditoropokgolo tša bona di agilwe, gomme basadi ba bona ba ba baitshwarahlephi, monna wa bona a e dumelela, bareri ba bona ba hlephiša, gomme ba ganeditše baprofeta. Gomme seo ke mohuta wa seemo ba tsenego ka go sona. Se se hlotšego seo, e bile go lebala moo tšona ditšhegofatšo di tšwago gona.

<sup>136</sup> Gomme lena Mamethodist, le lena Mabaptist, le lena Mapresbyterian! Lena Mamethodist le kgona go gopola John Wesley. Lena Mabaptist! Gomme John Smith o llile ka ditaba tša batho go fihla mosadimogatša wa gagwe a tla swanelo go mo

hlahlela tafoleng, mahlo a gagwe a rurugile go tswalelwa, ka go lla le go rapela bošego ka moka. Bothata ke eng?

<sup>137</sup> John Wesley o boletše gore se sengwe sa dilo tše kgolo . . . Ke a dumela e bile yo mongwe wa botate ba pele ba Methodist o rile, “Kgobogo ya barwedi ba kereke ya Methodist, e bile go thomeng go ba selefase kudu, ba rwala dipalamonwana go monwana wa bona.” Ke eng a ka go e bolela bjale, ba apere dišothi?

<sup>138</sup> Go diregile eng? Sauwe sa semoya. Se e lego tlwa, go lebala moo o tšwago. Le na le dilo tšohle tše ka lebaka la go fa ga Modimo, botho bo le diretše yona.

<sup>139</sup> A le nagana se ke selo sa go tlaba? Se tlwa le Moya wa Jesu Kriste, seprofeto. Ka go Kutollo, tema ya 3, e rile, “Gobane wena o re, ‘Ke humile, ga ke hloke selo,’ gomme ga o e tsebe gore o a diila, le go foufala, madimabe, go šokiša, go hlobola, gomme ga o e tsebe” Le a bona, ga o e tsebe! Ke eng? Sauwe sa semoya. Ga ba e tsebe.

<sup>140</sup> Kereke e ne tšhe—tšhe tšelete bjale. Ga go na kereke, le gatee, ka nageng, kereke ya leina, eupša yeo e lego boleng bja dimilione tša ditolara atiša ka dimilione. Ba aga dimilione le dimilione tša ditolara ka go meago le dilo, gomme ba rera go Tla ga Morena go batametše. “‘O humile,’ gomme o rile, ‘ga ke hloke selo.’” Bareri ba bakaonekaone ba dirutegi ba kile ba ba le bona, ba tseba ka ga thutamodimo kudu go feta ba kile ba tseba. Gomme ba ne meago ye megologolo, mafelo a makaonekaone a go hlaolwa ka go toropokgolo. Ba ne tokelotsela go eng kapa eng ba nyakago go e dira. Gomme ka gona ba dirile eng? Ba hweditše sauwe sa semoya gomme ba lebetše gore e bile Modimo a ba diritšegeo seo, feela boka Israele.

<sup>141</sup> Gomme Beibele e profitile, Jesu Kriste o romile morongwa wa Gagwe go Johane gomme o rile, lebaka le la kereke ya mafelelo le tla ba le sauwe se sa semoya. Ba be ba le “madimabe,” gopolang. Ba nagana ke bona ba bagolo. Ba nagana ba ne se sengwe. Eupša O rile ba be ba “šokiša, ba madimabe, ba diila, ba foufetše, ba hlobotše, gomme ga ba e tsebe.” Gomme ga go na tsela ya go ba botša.

<sup>142</sup> Bjale, ge motho a be a le ntle fa mo mokgotheng, a gobogile, goba mosadi, a hlobotše, mo mokgotheng, a foulfetše, seo e tla ba sebopego sa go šokiša go beng ka go sebopego seo. Eupša gona ba bile le monagano wa bona wa go loka, ba tsebile ba be ba le bomang, gore ba be ba le batho, gomme ba swanetše go apara diaparo; gabotse, o tšwela ntle fale; ke bona—ke bona batho, ba swanetše go itsebagatša le moloko wa batho; gomme ntle fale, “o madimabe, o a šokiša, o foulfetše, le go hlobola.” Gomme o ya go yena, o re, “Ngwanešu, o hlobotše.”

<sup>143</sup> “Bjale, fa! Ke nna Ngaka *Semangmang!* Nno hlokomela taba tša gago. Ke a go botša, ke nna wa *Sagorelegore!* Ga o ne taba,

wena mopshikologimokgethwa, go mpotša lefeela!” [Lefelo la go se be le selo godimo ga theipi—Mor.]

<sup>144</sup> Ba botše, “Ke phošo go monna go dira se, le go batho go dira dilo tšebo ba di dirago.”

<sup>145</sup> Gomme ba tla go dira o tsebe gore moreri wa bona o ne monagano wa go phatlalala. Le a bona? Ke eng? Ke, ba lebetše ditaelo tša Morena Jesu. Gona anke A tle tlase le go dira maswao le matete ao A rilego O tla a dira, ga ba nyake go se dumela. Ke sauwe sa semoya. Le a bona, ba lebetše! Gomme ba hlobotše, gomme ga ba tsebe, ga ba e lemoge.

<sup>146</sup> Ba nagana, “Feela gobane ke wa kereke, seo ke sohle se lego bohlokwa.” Oo, ngwanešu, seo ga se re selo go Modimo go feta go ba Mason goba e ka ba eng gape, lotše e ka ba efe ye nngwe. Go ba wa kereke, seo ga se re selo go Modimo.

<sup>147</sup> Le swanetše go ba barwa le barwedi ba Modimo. Le swanetše go tswalwa ke Modimo, gomme Modimo ke Lentšu. Ge ke eba karolo ya tate wa ka, ke bile gohle tate wa ka. Ge o eba karolo ya Modimo, o ba Modimo, ka botlalo. Lentšu la Gagwe ka moka, o dumela lohle la Lona.

Sauwe sa semoya!

<sup>148</sup> Go ka reng ge o be o sa tsebe leina la gago le be le le se le bego le le sona? Gomme ge o le, o tla tšwa go lapa le lekaone, le ke holofelago o dirile, ge o etšwa lapeng le lekaone la batho, gomme go ka reng ge o ka lebala leina la lapa, gomme wa tla ntle fa, o phela bohlaswa? Ba re, “A leina la gago ga o Jones,” goba e ka ba eng e bilego. “Gabotse, ga ke tsebe ke be le le mang.” Le a bona? Go lokile, le a bona, seo ke selo sa go šiiša go beng, seemo sa go šiiša go tseneng ka go sona.

<sup>149</sup> Gabotse, fao e no ba moo kereke e fihlilego. E swanetše go ba kemedi ya Jesu Kriste. Eupša e lebetše seo, gobane e ne, e hlabetše ka go yona, dithutotumelo le dikereke tša maina, gore ba di amogetšeego tšebo bakeng sa Lentšu. “Gomme ba hlobotše, ba fofetše, ba a šokiša, gomme ga ba e tsebe,” gomme ga go tsela go ba botša.

<sup>150</sup> Nka no se tsoge ka ba ka Birmingham gape, eupša ye ke nako e tee ba yago go e kwa. Le a bona? Le a bona? Nnete. Ke no . . . Ga ke na boikarabelo go selo eupša go gaša Peu. Modimo o E hlahlela mobung moo E swanetšeego go ya.

<sup>151</sup> Go lebala, ee, ba lebetše Lentšu la tshepišo. Ba lebetše. Israele e be e le ka go mohuta woo a tlhakatlhakano ge Jesu a etla. E be e lebetše. Ba lebeletše, oo, ba rile ba dumetše Mesia o etla. Eupša ge Mesia a etla le go itsebagatša Yenamong ka Lentšu, ba bile le metlwae ye mentši kudu go fihla ba be ba dirile Lentšu la Modimo go hloka maatla.

<sup>152</sup> Gomme Jesu o tshepišitše, feela pele ga nako ya bofelo, “Bjalo ka ge go bile ka Sodoma, go tla ba bjalo.” Gomme go tla

ya go tsebagatšwa, gomme batho ba metlwaeng kudu go fihla ba dirile tshepišo ya Modimo go hloka maatla, ka metlwae ya bona. Sauwe sa semoya! Sauwe sa semoya ke tlwa se e lego sona. Le a bona, ba lebetše dilo tše.

<sup>153</sup> “Oo, ke nna wa *ye*. Ke—ke dirile *se*. Ke binne ka Moya. Ke dirile *se*.” Gabotse, nna, nna, seo ga se ne selo go dira le yona, le gannyane.

<sup>154</sup> O ka ba Mokriste bjang gomme wa gana Lentšu? O ka se kgone go e dira. Modimo ke Lentšu. Ge Lentšu le le ka go wena, wena le Lentšu le a swana. Tšohle Lentšu le lego, o tšona. Amene. Ge ke phela ka go moloko wo, se karolo ya Lentšu e se tshepišitšego go moloko wo, ke swanetše go ba seo. Ge ke eya go ba Mokriste, ke swanetše go itsebagatša le tšohle tšeob Beibebe e di rerago le go di emela.

<sup>155</sup> Haleluya! O ya go mpitša mopshikologimokgethwa, go le bjalo, gomme ke ikwela borapedi gabotse gonabjale. Ee, mohlomphegi.

<sup>156</sup> Ke swanetše go tsebagatšwa le se sengwe le se sengwe seo Beibebe yela e se tteleimago. Gomme E efa ditteleime, gomme, ge ke se ka rathwa ka sauwe sa semoya sa letšatši la sebjalebjale, ke tla ba gomme ke tla tsebagatšwa le Lona. Ge ke Le gana, gona ke ne sauwe sa semoya; se sengwe se diregile, Ke amogetše thutotumelo goba thuto, goba kereke tsoko goba sehlopha sa motho. “Nka se kgone go e dira,” mola efela Lentšu le etla le go itsebagatša Lonamong.

<sup>157</sup> Ke ka lebaka leo Jesu a sega a lemogwa. “Oo,” ba re, “gabotse, monna yo ke yo mokgethwa, le moprista wa rena yo mokgethwa, wa rena yo mokgethwa *yo*.”

<sup>158</sup> Gomme Jesu o rile, “Lena le ba tataweno, diabolo, gomme le tla dira mediro ya gagwe.”

<sup>159</sup> Afa le tsebile Kaine o neetše sehlabelo se sekaone, le yena? O be a hlokofetše, o agile aletara, o khunamile fase le go rapela, le go neela sehlabelo, le go rapela Modimo. Gomme ge eba, Modimo, ke sohle Modimo a se nyakago, go wena go ba wa kereke le go ba le aletara, le go lefa karolo ya lesome ya gago le go ya kerekeng, le go phela bophelo bjo bobotse; ge seo e le sohle A se nyakago, O be a se na toka go sola Kaine, gobane o dirile selo sa go swana. Ee, mohlomphegi. Seo ke tlwa.

<sup>160</sup> Eupsa *bodumedi* bo ra “seapešo,” gomme o ka se apešwe ka mediro ya gago ye mebotse mong. Go ne selo se tee se nnoši seo Modimo a tla se amogelago, gomme seo ke Madi a Jesu Kriste. Seo ke seapešo se nnoši. Ka ntle ga Ao, ge o re, “Boloka thutotumelo,” sauwe sa semoya! Seo ke se se diregilego.

<sup>161</sup> Bjale hlokamelang, ba be ba lebetše Lentšu la bona. Ba be ba lebetše Beibebe. Ba be ba lebetše tshepišo. Ba leka go phela ka go sefifi sa se Methodist e bilego, se Baptist e bilego, se yo mongwe

gape a bilego. Tshepišo ya letšatši še, gomme Modimo a E bolela ka Lentšu la Gagwe, le go tiišetša gape le go netefatša E bjalo, gomme ba sa no se E dumele. Sauwe sa semoya! Yeo ke therešo tlwa. Go felela, bosauwe go felela, ka phethagalo ga ba E dumele le ga tee.

<sup>162</sup> Lešole la Mofora. Ke boditšwe kanegelo ye nnyane; pele re tswalela. Ke be ke sa tsebe go be ebole e le thari, gomme ke ne matlakala a lesome a dinoutso a šetše fa; re tla e hwetša nako tsoko ye nngwe. Hlokamelang, lešole la Mofora. Ba ne sehlopha sa mašole go tšwa sešoleng, gomme ba bile le sauwe se. Ke go tšwa go letšhogo, mo ntweng. Gomme ba bile le lenaneo, gomme ba—ba biditše le go dumelela batho ba ba lahlegetšwego ke baratwa go leletša le go bona ge eba ba ka hlatha bašemane ba. Ga go kholofo go bona, mohlomongwe o tee goba ba babedi, go tšwa go yona, ba e swere. Gomme gona ba tšere ka moka ga bona, ba be ba eya go ba bea lefelong la digaswi, moo ba tla swanelago go dula bophelo bja bona ka moka.

<sup>163</sup> Ba be ba rotogela lehlakoreng la thaba, ba goga terene; gomme ba eme seteišeneng, go dumelala bašemane go tšwela ntle le go otolla maoto a bona. Gomme baleti ba tšwetše ntle mo thabeng, go ba hlokomela, ka gobane ka sauwe, gabaneng, ba—ba swanetše go ba hlokomela.

<sup>164</sup> Kafao ba šeditše moisa o tee yo moswa fale, o tšwetše ntle gomme a thoma go lebelela go dikologa go tanka yela ya meetse, a lebelela gohle go dikologa godimo ga thaba. O pikitile sefahlego sa gagwe, a lebedišša. Gomme o lebeletše gape, gomme o bone tanka ya meetse. O lebeletše gohle go dikologa mo seteišeneng, gomme a thoma go sepela. Sebakeng sa mohlapetši go mo thibela, o mo šetše morago.

<sup>165</sup> O ile godimo mošola wa thaba, tlase tsejaneng ye nnyane, a retologela go la go ja gomme a ya godimo mošola wa thaba ye nngwe ye nnyane, gomme a tla go ntlo ya kota ye nnyane. O lebeletše. Go tšweng mathuding, mokgalabje ka lehlola ka seatleng sa gagwe, o tšwetše ntle gomme a lahlela matsogo a gagwe go mo rarela. O rile, “Morwa wa ka, ke tsebile o tla bowa. Ba mpoditše o be o hwile, eupša ke tsebile o tla bowa.” Gomme mošemane a hlapologelwa. Sauwe sa gagwe sa mo tloga. O be a kgona go itsebagatša ke yena mang. O tsebile yola e be e le tatagwe.

<sup>166</sup> Oo, lešole la Sefapano, leo le tšhošitšwego ke katišo ye ntši bjalo, letšhogo le lentši bjalo la kereke ya leina le thutotumelo, le dilo tša lefase, gabaneng o sa no tepogela ka thoko bakeng sa metsotso e se mekae gomme wa ya go lebelela go dikologa Beibele? O ka hlahlatha go dikologa, gomme o ka ikhwetša wenamong o tsebagaditše fa ka go Lentšu, bjalo ka modumedi, le lengwe la matšatši a. O ka no se Mo tsebe. O ka hlapologelwa, boka morwa wa lehlaswa a dirile, gomme wa

ikhwetša wenamong. O ka kgona go hwetša boitsebišo bja gago Mantšung a Modimo.

<sup>167</sup> Yo mongwe o rile, letšatši le lengwe, e se kgale botelele, o rile, “Eupša, Ngwanešu Branham, lebelela rena batho ba Pentecostal, ke dikereke tše dibotse re nago le tšona. Gobaneng, rena, re ne badiredi bao ba katišitšwego.”

<sup>168</sup> Theetšang, ge monna a nyala mosadimogatša, ga a bote bobotse bja gagwe. Aowa. O bota botshepegi bja keno ya gagwe, lentšu la gagwe. Ga a bote bobotse bja gagwe. O bota botshepegi bja gagwe.

<sup>169</sup> Gomme yeo ke tsela ye ge o nyalwa go Modimo, ga o bote bobotse tsoko bja kereke o ka e agago, eupša ka go tshepišo yeo Jesu Kriste a e dirilego, gore, “Ke a swana maabane, lehono, le go ya go ile.” A le dumela seo? [Phuthego e re, “Amene.”—Mor.]

A re inamišeng hlogo ya rena feela nakwana.

<sup>170</sup> Ke a makala, bosegong bjo, ka moagong fa moo batho ba dutšego, moo go nago le banna le basadi ba ba lego Bagosafelego, batho ba ba lebilego Bokagosafelego, gomme le a tseba gore letšatši le lengwe goba le lengwe o swanetše go kopana le Modimo. Gomme ke a makala ge eba o bile le mohemo wo monnyane wa sauwe, gomme o tla... O ile wa itsebagatša ka go selo sa phošo, gomme o tla—o tla rata mohuta wa go hlahlatha go dikologa go kgabola, bosegong bjo, gomme wa hwetša ge eba o ka se tsebagatšwe ka go Kriste Jesu? A o ka phagamisa seatla sa gago, wa re, “Nthapelele, Ngwanešu Branham, ke—ke nyaka go tsebagatšwa bjalo ka Mokriste wa kgonthe, modumedi wa kgonthe.” Modimo a le šegofatše. Modimo a le šegofatše. Šegofatšegang! Oo, ee, gohle go dikologa. Morena Modimo a le šegofatše.

<sup>171</sup> Yo mongwe godimo lebatong la godimo, o re, “Ngwanešu, ka kgonthe ke dumela seo ke Therešo. Ke a dumela, bjalo ka Bakriste, ga re Bakriste boka ba be ba fela bale mengwageng ya go feta.”

<sup>172</sup> Go reng ka lena batho ba Pentecostal, ge bomme le botate ba lena ba be ba fela ba ema mo mokgotheng ntłe fa, gomme ba itia tamporini. Gomme mmago, ka fao a swanetše go... o bile go lapa, le go katana le lena bana ba bannyane. Dinako tše dingwe le be le swanetše go ya ntłe le diaparo, le se sengwe le se sengwe gape, eupša papa le mma ba be ba botegetše Taba, go swarela Kriste godimo.

<sup>173</sup> Lebelelang se lena batho ba Pentecostal le se dirilego. Mengwaga ye masometlhano ya go feta, le tšwile ka go mokgatlo. Seo ke se se le dirago Pentecost, le ikarogantše lenabeng go tšwa go mosedumele. “Gomme boka kolobe lerageng la yona, le mpša mahlatšeng a yona,” le ile morago le go dira selo sa go swana, le dirile mohuta wa go swana wa tlhagaraga le tšwilego go yona. Bothata ke eng? Sauwe sa semoya se phulegile magareng ga

batho. Le na le dithutotumelo le maphephe a lena a kereke ya leina bjale, gomme le gabotse le ka moka ga bona, le nyaka go ba le ka moka ga bona. Le dumelatše basadi ba lena go kota moriri wa bona, ba apara pente. Lena, le ba dumelela go dira dilo tše tšohle, le dumelela selo se sohle se ka—ka kerekeng. Ke eng? Sauwe sa semoya.

<sup>174</sup> Gona, selo sa pele le a tseba, ge Modimo a thoma go etela magareng ga batho, gona ke eng e diregago? Ga le kgone go e amogela. Le a bona, le bile go babja kudu ka sauwe sela, le a bona, selo se nnoši le kilego la se kwa. A ga le nagane le swanetše go tepogela ka thoko ga thutotumelo yeo feela lebaka la metsotsso e se mekae le go topa Beibele, gomme le bone se Mokriste a swanetše go tsebagatšwa boka sona? “Maswao a a tla latela bona bao ba dumelago!”

<sup>175</sup> Ditiro, Petro o rile, “Sokologang, yo mongwe le yo mongwe wa lena, gomme le kolobetšwe Leineng la Jesu Kriste bakeng sa tebalelo ya dibe, gomme le tla amogela neo ya Moya wo Mokgethwa; gobane tshepišo ke ya lena, le bana ba lena, le bona bohole bao ba lego kgole, ebile bontši bjalo ka ge Morena Modimo wa rena a tla go ba bitša.” Ge ba le botše Seo ga se bjalo, gona modiša wa lena o ne taba ye mpe ya sauwe sa semoya. A ka se kgone go ikhwetša yenamong a tsebagaditšwe le Kereke yela; e sego mokgatlo; Kereke, Mmele wa Kriste wa sephiri.

<sup>176</sup> Bjale Moya wo Mokgethwa o fa. O fa go dira feela tlwa se A tshepištše go se dira. Bjale ge le le fa ka dihlogo tša lena di inamšitšwe, nno tšwelangpele le rapela. Anke Moya wo Mokgethwa a bolele, Yenamong. Gomme le bone ge e ba se.... Mang kapa mang o a tseba gore, tshepišo, se e lego go letšatši le. Bjale lena ba le nago le tlhoko, bošegong bjo, lena, bontši bja lena le phagamišitše diatla tša lena. Pele le dira seo....

<sup>177</sup> Ke a makala, ge re le fa gomme ka kgonthe re rapelela balwetši, ke a makala ge le ka kgonha go tloga go gosedumele goo, kereke ya leina yeo, thutotumelo yeo e go botšago dilo tše ga di bjalo, yena yoo a tla go botšago Ke ya diabolo. Ge ba dira seo, “Ba ka se tsoge ba lebaletšwe, ka go lefase le goba lefase le le tlago.” Go ka reng ge Ye e le Therešo? Nno naganang, go ka reng ge E le, gona o go kae? Le a bona, ga wa swanelo go e bolela; nno e dumela ka pelong ya gago. Gomme go ne batho fa bao ba dumelago yeo. Ke dutše thwi fa, lebaka la mašego a mabedi a go feta, ke katana ka tlase ga se sengwe, feela, nna, ke swara le go loma leleme la ka, go thibela go e bitša serokaphatla.

<sup>178</sup> Gomme elelwa, mogwera, go magareng ga gago le Modimo. Go ka reng ge e le phošo, gomme o nagana seo? O tseba se se diregago, o ka se tsoge wa swarelwa bakeng sa yona. Sauwe sa semoya, o tla ya thwi ka go lehu la gago la Gosafelego, gosedumele. “Yo a sa dumelogo o šetše a ahlotšwe!”

<sup>179</sup> Bjale rapelela bolwetši bja gago, o re, “Morena Jesu, O tshepišitše. Ke...”

Go ka be go le basetsebje tsoko fa, bao ba sa nkago ba ba fa peleng.

<sup>180</sup> Jesu o tshepišitše, “Boka go bile,” ke tla tsea Lengwalo le letee, “mo matšatšing a Loto,” ge Modimo a bonagaditšwe mmeleng wa nama; le batho, Abraham, sehlopha se se kgethilwego, sehlopha se se bileditšwego ntle. Gomme leina la Abram le ile la fetolelwa go Abraham, gona o bone Lentšu le dirilwe nama, gomme Le hlathile dikgopololo tše di bego di le pelong ya Sarah.

<sup>181</sup> Gomme ge Peu ya Bogoši ya Abraham e etla, seo ke se A se dirilego, gomme ba Mmiditše “diabolo.”

<sup>182</sup> O rile, “Bjale ge Moya wo Mokgethwa o etla, o tla dira selo sa go swana.” O rile, “Bjale go ne tebalelo ge le Mpitša seo, eupša, ge le bolela kgahlanong le Moya wo Mokgethwa, ga go na tebalelo.”

<sup>183</sup> Bjale anke Yena, Maatleng a Gagwe, a tle go kgabola batheeletši ba ba batho, e ka ba kae le lego, gomme ka tlhatho ya Gagwe ya semoya a bontšha gore ke Yena Lentšu. Gore ge go ne e ka ba ofe fa a babjago ka sauwe, gore ba ka se...ba be ntle le boitshwareletšo, pele pitšo ye ya aletara e dirwa.

<sup>184</sup> Anke Morena Modimo a thuše. Bjale ka dihlogo tša lena di inamišitšwe, le rapela ka tlhomphokgolo.

<sup>185</sup> Le a bona, go ne mohumagadi o dutše fa pele ga ka. O beile diatla tša gagwe godimo go sefahlego sa gagwe. Gomme o babja ka seemo sa mongetsane. Gomme gape o ne letšhogo. O ne bothata bja mogodu. Gomme o dutše fa pele ga ka bjale. Gomme a ka tseba, ga a tšwe nageng ye. O tšwa toropongkgolo ye e bitšwago Macon. Ya. O a dumela gore Modimo a ka kgona go mpotša gore o mang? O Moh Ayers. Ge yeo e le nnete, phagamisa seatla sa gago. Ke mosetsebje go wena. Yeo ke therešo, a ga se yona? Bjale bothata bja gago bo fedile. Jesu Kriste; o kgwathile kobo ya Gagwe. O go dirile o fole. Bjale nno e dumela.

<sup>186</sup> Go ne monna o dutše ka morago ga moago. O nyaka kolobetšo ya Moya wo Mokgethwa. O nyaka kolobetšo ka Moya. O ema fa pele ga ka. Ga a tšwe fa, le gona. O tšwa Carolina, Charlotte. Lepoe ke leina la gagwe. Dumela ka pelo ya gago yohle, gomme Modimo o tla go tlatša ka Moya wo Mokgethwa, ngwanešu wa ka—wa ka, ge o ka e dumela.

<sup>187</sup> Fa, godimo go la go ja la ka, fa go mo—mo monna le mosadimogatša wa gagwe ba dutše thwi ka go otlologa mo pele ga ka fa. Ke baratani ba kgale, go la go ja la ka. Mohumagadi o babja ka seemo sa lela le legolo. Monnamogatša wa gagwe o ne bothata bja pelo. Ga ba tšwe fa. Ba tšwa Tennessee. Mna. le Mdi. Thomas, ge le ka dumela ka pelo ya lena yohle, phagamisetšang diatla tša lena godimo gomme le ka amogela phodišo ya lena.

Jesu Kriste o le dira le fole. Seo ke tlwa se A se tshepišitšego go se dira. Eupša ga se nke ka ke ka bona batho bophelong bja ka.

Sauwe sa semoya!

<sup>188</sup> Jesu o rile, “Mediro yeo Ke e dirago le tla e dira le lena. Lebakanyana le lennyane, gomme lefase le ka se sa mpona gape; efela le tla Mpona, gobane Nna,” lešalaina, “ke tla ba le lena, ebile ka go lena, go fihla bofelong bja lefase.” “Jesu Kriste wa go swana maabane, lehono, le go ya go ile.”

<sup>189</sup> Bjale, go banna le basadi ka fa, ba le no go ba le se sengwe sa phošo le lena, seo le no se kgonego go bona ka fao... Lena, le nyaka go dumela, eupša le no se kgone go tsena ka go yona, gomme le tla rata go ka rapelelwa, le nyaka go Mo amogela ge le sa le ka Bogoneng bja Gagwe, a le ka tla le go ema thwi fa hleng le nna, le ntumelele ke rapele le go bea diatla go lena. Ge le ka tla thwi godimo fa bjale, lena ba le babjago ka mokgwa woo, ka sauwe sa semoya, gomme le tla nyaka go rapelelwa, gore le lokollwe go seo. Ge o se mo—o se modumedi, eupša o nyaka go rapelelwa, etla godimo fa gomme o eme. Modimo a go šegofatše, lesogana. Yo mongwe gape a tlag? Modimo a go šegofatše, mohumagadi. Etla. Modimo a go šegofatše, mohumagadi yo moswa. Yo mongwe gape o a tla? Etla, ema thwi godimo fa, gonabjale.

<sup>190</sup> Sauwe sa semoya, ga ke nyake go hlaselwa ka seo. Modimo o a gana. Anke ke—anke ke hwe lehu la—la e ka ba eng, eupša ke se tsoge ka hwa lehu leo bjalo ka mosedumele.

<sup>191</sup> Etla, Mo amogele bjale. A o ka se e dire? Etlang go tšwa, gomme etlang tlase go tšwa lebatong la ka godimo, bagwera. E no ba dikgato di se kae tlase fa, gomme go ka ra phapano magareng ga lehu le Bophelo, go wena.

<sup>192</sup> Lebelela, nka se kgone go dira Kriste go dira selo. Kriste ga a swanela go dira e ka ba eng eupša selo se tee: O swanetše go boloka Lentšu la Gagwe. O swanetše go dira seo gore a be Kriste, a be Modimo. O swanetše a boloke Lentšu la Gagwe.

<sup>193</sup> Bjale elelwang, ge o se ne kgontha ka boitemogelo bja gago, gobaneng o sa tle tlase bjale. Ge o no ba wa kereke ya leina, ge o no ba setlogolwana sa Pentecostal, Modimo ga a na ditlogolwana tše rilego. O ne barwa le barwedi, eupša e sego ditlogolobarwa le -ditlogolobarwedi. Le a bona? Modimo ga a na bao. O no ba le barwa le barwedi, gomme o a tseba gore ga o yena.

<sup>194</sup> Mohlomongwe o boletše ka maleme, o ka no be o binne, o ka no be o dirile sohle *se*. Seo se lokile. Ga ke ne selo kgahlanong le sona. Eupša efela ge o sa ne sauwe sela sa semoya, etla pele fase, gomme etla fa le go ema fa. A re e rapelele. O reng? Moleloko wa kereke, feela—feel a moleloko wa mehleng wa kereke, gobaneng o sa tle godimo fa gomme re e hlohlore gonabjale.

<sup>195</sup> Ga ke nyake go tlogela Birmingham fa, le go tseba gore letšatši le lengwe, ge Kahlolo e etla, gomme ke swanetše go ema pele ga gago nako yeo . . . Elelwa, ke ya go kopana le wena gape. Ge nka se tsoge ka kopana le wena fa go le, goba ke ya go kopana le wena mo Kahlolong gomme ke swanetše go arabela se ke se boletšego bošegong bjo.

<sup>196</sup> Bjale theetšang. Sokologang, bagwera! Sokologang, etšwang go yona. Etšwang fao. Etlang pele bjale.

<sup>197</sup> Seo se swanetše go dira mosadi yo mongwe le yo mongwe wa moriri wa go kotwa ka nageng ye, goba lefelong le, go tla godimo fa bjale. Yeo ke nnete tlwa. Gore, gore ga o ne mogau go lekanel ka kgonthe go ka re, “Ke—ke—ke—ke a nyaka, ke nyaka go lesa moriri wa ka o golele ntle, Ngwanešu Branham.” E swanetše . . . “Ke ne . . . Gabotse, ga ke ne mogau go e dira.”

Gobaneng, o re, “A seo se ne e ka ba eng go dira le yona?”

<sup>198</sup> Fa e se kgale botelele, modiredi yo mogolo ka kgonthe o tla go nna, gomme o rile, “Ke nyaka go go bea diatla, Ngwanešu Branham.” O rile, “Mang le mang o go tsea bjalo ka moprofeta.”

Ke rile, “Ga se nke ka re ke nna moprofeta.”

<sup>199</sup> O rile, “Eupša batho ba go tsea bjalo ka seo. Ka mehla o kgelanya bona basadi, ka ga go apara dišothi,” gomme—gomme, oo, monna wa Mopentecostal. Gomme o rile, “Ka ga go apara dišothi, le go kota moriri wa bona, le dilo.” O rile, “Yeo ga se taba ya gago.”

Ke rile, “Ke taba ya mang gona?”

<sup>200</sup> Gomme o rile, “Bona batho, gobaneng o sa rute bona basadi ka fao ba ka bago, ba ba le dimpho tše kgolo tsa semoya, le go thuša batho, sebakeng sa go leka go . . .” O rile, “Ba go hlompha. Se o ba botšago, ba tla go dumela.” O rile, “Gobaneng o sa ba botše ka fao ba ka hwetšago dimpho tše kgolo le go thuša batho, sebakeng sa ka mehla go ba sola?”

<sup>201</sup> Ke rile, “Nka ba ruta bjang algebra ge ba sa kgone le go ithuta boABC ba bona?” Le a bona? Le a bona?

<sup>202</sup> O swanetše go thoma go tloga bottlase, wa sokologa goba wa senyega! Bjale o ka ikgona wenamong, sokologa goba o senyege! Jesu Kriste o itsebagaditše Yenamong ka go hlaka fa, bošego morago ga bošego. Gomme bjo ke bošego re bego re retologela godimo bakeng sa phološo ye. E no ba dikgato di se kae godimo fa, gomme ke ne nako ye ntši go leta.

<sup>203</sup> Elelwa, Birmingham, madi a gago ga a go nna. Ke hloka molato. Gomme ge ka kgonthe o ne Moya wo Mokgethwa, o ne sebakabotse go tla bjale. Gomme ge o sotlega ka mohuta tsoko wa bokerekwo o go baketšego go ba le sauwe sa semoya, gobaneng o sa tle? Jesu ke moreku. A o ka se tle?

<sup>204</sup> Bjale batho ba bangwe ba tlogile lebatong la ka godimo. Ke be ke letile go bona moo ba lego, ba ya ntle goba ba tla aletareng. Ba tlase fa, etlang godimo go rarela. Yeo ke nnete. Lena ba le lego fa, etlang le eme go dikologa aletara, le re, “Ke feditše ka se.” Ee, ba be ba etla tlase, bahumagadi ba babedi. Seo ke se sekaone.

<sup>205</sup> Etlang pele godimo bjale. Feela dikgato di se kae. Gomme tsona dikgato di ka ra phapano.

<sup>206</sup> Bjale, lebelelang, ke nyaka go le botšiša se sengwe. Go ka reng ge A ka tla bosegong bjo? “Oo,” o re, “Ga A tle.” Ga ke tsebe ge eba O atla goba aowa. Le ke leswao la mafelelo. Elelwang, GO RIALO MORENA! A le kile la ke la nkwa ke bolela seo eupša se e be e le therešo? Le bona leswao la lena la mafelelo. Seo ke ka Lengwalo. Le bone leswao la lena la mafelelo, Pentecost. Le se hlakahlakane bjale ka se A se tshepišitšego Israele ka morago ga Tlhatlogo; bao ga se lena. Le feditše, nako yeo. Le a bona? Bjale ke letšatši la lena. Bjale ke leswao la lena. Bjale ke nako ya lena. Le se Le gane. Le se e dire. Bokaone le tle. Le ntumela go ba mohlanka wa Modimo? Elelwang.

<sup>207</sup> Birmingham, ga sa nke ka ke ka kopana le batho ba ba bose. Le batho ba ba bosebose nka nyakago go kopana le bona bophelong bja ka, eupša le hloka tsošeletšo. Le a hwa. Le tšea sauwe sa semoya. Le a hwa. Le se direng seo. Tsošološang se le nago sona. Se tlišeng godimo gape, ka bjako, pele Jesu a etla.

<sup>208</sup> Go lokile, ge ba sa . . . Tšwelangpele le etla. Nno ba lesang ba tšwelepele ba etla go fihla bohole re hwetša, gore Morena o a bitša, godimo fa. Etlang bjale.

<sup>209</sup> Tlogela sauwe seo. Matwetwe yo mogolo o fa bjale go fodiša seo, se tlošeng kgole le lena. O netefaditše gore O fa. Ke ba bakae ba tla tsebagatšago seo, ka go phagamiša seatla sa lena, la re, “Ka therešo ke a e dumela; gore O boletše O tla dira se”? Le a bona? Bjale O fa. Le a bona? Le a bona? Le a dumela.

<sup>210</sup> Gomme ke ba bakae ba tsebago ke le botša therešo, gore le a hwa gomme le hloka tsošeletšo? [Phuthego e re, “Amene.”—Mor.] Le a bona? Ke therešo.

<sup>211</sup> Le batho ba bakaone. Le ka se hwetše ba bakaone. Ga go ne dipelo tše kaone go retheta, go feta ka tlase ga dihempe tše tša Baborwa ba kgale tlase fa. Yeo ke nnete, batho ba kgonthe! Eupša, bagešo, bokaone le phafogeng, thwi ka bjako! [Ngwanešu Branham o betha godimo ga phuluphithi—Mor.] Mo iring ye o sa naganego, e ka direga. E ka no se direge; ga ke tsebe.

<sup>212</sup> Eupša, elelwang, le hwetše tshebotšo ya lena ya mafelelo, kafao tšhabang ge le sa ne nako go tšhaba. Etla bjale. Ge feela ba sa tla, ke ya go fela ke letile, gobane go ka ba . . . Soulo e tee e tura mafase a sekete tše lesome. Gomme ge feela batho ba kgodišitšwe . . .

<sup>213</sup> Ke tla rata go bona ye e phulegela ka go tsošeletšo ye kgolo yeo e tla beago kereke ye nngwe le ye nngwe fa; ge le ka phušola diphapano tša lena le go tloša boikholo bjola kgole, gomme la amogela Moya wo Mokgethwa. Le tleleimile le a O dumela. Le tleleimile go O dumela, gomme, ge O etla go itsebagatša Wonamong, gona le ngangela thoko seng sa lena. Gobaneng re sa kopanye dipelo rena le Lentšu la Modimo le go dumela Therešo? Ke seo. Le tla no fela le ehwa, le ehwa, gomme le ya thwi pele ntle ka go Laodikea. Tlwa se A se tshepišitšego, O tla ba ka tselā yeo. A le ka se tle bjale? Bjale ke letšatši. Bjale ke nako ya go amogelega. Šetšang se Moya wo Mokgethwa o tla go se dira.

<sup>214</sup> Bjale ke nyaka badiredi bohole fa, ba ba nago le kgahlego ka go batho ba, etlang le rapeleng le nna, le lena. Etlang godimo fa, badiredi bohole ba ba nago le kgahlego ka go batho ba. Etlang, nno tlang thwi go dikologa, gomme le tsene ka gare magareng ga batho, modiredi goba mošomi wa sebele, mošomi wa sebele yo mokaone, mosadi yo a ka nyakago go ema le basadi ba bjale. Ke ya go dumela, ka pelo ya ka yohle, gore Moya wo Mokgethwa o ya go tla ka lefelong le thwi fa bjale le go no itsebagatša Wonamong ohle magareng ga batho ba.

<sup>215</sup> Bjale anke ke laele batho ba fa, sa pele. Bjale, bagwera, e ka ba eng le lego fa ka yona, O a tseba. Gomme nka le netefaletša yona, O tla tšea, o tee ka o tee, wa le tliša godimo fa mo sefaleng se, gomme go ka se be le selo se setee seo A sa se se dirego go tsebja. Bjale seo e bile ge e sa le ke le mošemane yo monnyane. Mpho yeo ga e belaetše. Eupša potšišo ke, a o ka e amogela? A o a e dumela? Bjale O fa. Gabotse, ge A le fa, gona go ne selo se setee feela, O boloka Lentšu la Gagwe. Gona nno dumela gore o a e amogela, gomme o e amogelega, gomme o phagamele godimo gomme o re, “Morena Modimo, ke fa go e amogela,” gomme nno dula fale go fihlela e direga.

<sup>216</sup> Boka Buddy Robinson a boletše nako ye nngwe, ka tšhemong ya lehea. O rile, “Morena, ge O sa mphe Moya wo Mokgethwa, ge O bowa morago O tla hwetša ntotolo ya marapo e letše thwi fa.” O be a hlomogile ka nnete. Gomme ga o ye go hwetša e ka ba eng go tšwa go Modimo go fihla o hlomoga go lekanelia.

<sup>217</sup> Bjale, afa le lemogile dibjalo tša lehono, afa le lemogile lehono se re se dirago? Rena, nneteng, re na le Modimo go lekanelia ka ga rena go fihla moo re tlago godimo sefaleng, re re, “Ee, mohlomongwe bokaone ke tle godimo.” Bjale bjo ke boitemogelo lefasekabophara. “Ee, bokaone ke ye godimo gomme ke eme.” O re, “Gabotse, gabotse, ga ke tsebe. Ke nna yo, le a bona.” Hmm! A lefelo go beng ka go lona! Ga go ne mollo o tukago. Ga go ne mafolofolo. Ga go ne “tsena ka go Ona!” Gomme, bjalo ka moebangedi, seo se no mpolaya go bona batho ba Modimo ka seemong seo. Re swanetše go ba re tuka.

<sup>218</sup> Eupša, le a bona, ke eng? Ke tlwa se ke le boditšego. Kutollo 3, “Le bolelo. Gomme,” O rile, “gobane le bolelo, gona Ke ya go le tshwa molomong wa Ka.” Seo ke nnete? [Phuthego e re, “Amene.”—Mor.] Seo ke se A se boletšego. Gomme, ge A boletše seo, seo ke se A yago go se dira. Kafao anke re se be lešaba leo.

<sup>219</sup> O fa, o hloka. A re O hwetšeng, goba re hwe, thwi fa. Yeo ke nnete. A re O hwetšeng, goba re hwe.

<sup>220</sup> Bjale, ngwanešu morategi, kgaetšedi, ge nkabe ke kgona go tla tlase le go go thuša go dira se sengwe, kgonthe ke be ke tla dira. Bjale, ka mpho, nka go botša se o lego fa bakeng sa sona. Nka go botša se e lego, ka Moya wo Mokgethwa, ka Moya wa Modimo, go go botša se o se tletšego, se o se dirilego, se bokamoso bo tla bago, goba se sengwe boka seo; eupša seo ga se e hlokomele. O swanetše go amogela Wo, wenamong. Go swanetše go ba wena!

<sup>221</sup> Bjale a o komana? Phagamišetša seatla sa gago godimo, o re, “Ke komana. Ke komana go hwa thwi fa.” Bjale se e dire ntle le ge o e re. “Ke komana go hwa thwi fa, goba ke hwetše se ke se nyakago go Modimo.” Amene. A le komana? [Phuthego e a thaba gomme e re, “Amene.”—Mor.]

<sup>222</sup> Gona anke batheeletši ba eme, mogohle. Bjale mmogo, mmogo, a re ikopanyeng renabeng mmogo. A re rapeleng. Gomme a re nnong... Lena badiredi bjale sepelelang godimo go batho ba fa, yo mongwe le yo mongwe, gomme le emetše diatla tša Kriste bjale.

<sup>223</sup> Lena ba le nyakago Moya wo Mokgethwa, lena ba le nyakago boitemogelo bjola, e sego go thanthelwa ga maikutlo; le nyaka Moya wo Mokgethwa, Bophelo, tlhako ya Bophelo ka gare ga lena. Gomme le nyaka go tloša sauwe sela seo se le dirago—ga le kgone go itsebagatša lenabeng; ga le tsebe moo le emego; ga le tsebe se le lego; a re se tlošeng gonabjale! Go ne Tswalo ye mpsha fa bakeng sa lena, ya kgonthe, Tswalo ye mpsha ya mmapapale.

<sup>224</sup> Bjale a re beeng diatla tša rena go batho ba. A re, yo mongwe le yo mongwe, phagamiše diatla tša gago gomme re rapele ka mmero o tee.

<sup>225</sup> Tate wa Legodimong, Leineng la Morena Jesu, efa, Morena, gore ka go la Jesu Kriste Leina, gore Moya wo Mokgethwa o tla tla bošegong bjo, bošegong bjo bja Mokibelo, moo Moya wo Mokgethwa o welego boka phefo e kgolo e maatla. Anke batho ba ba kolobetšwe ka go Moya wo Mokgethwa. Anke Mollo le Maatla a Modimo a se ba tloge. Ge ba le fa mosong, anke ba dule, ba dule go fihlela Moya wo Mokgethwa o etla.

<sup>226</sup> Yeo ke kgopolو! Woo ke ona! Šoo fao. Woo ke Moya wo Mokgethwa o etla.

[Ngwanešu Branham o bolela le yo mongwe ge a tloga phuluphithing—Mor.] Ke e dirile. Ke tseba seo.

Yeo ke phetho. O dumele bjale! O amoge! Tlatšwa ka  
ditšhegofatšo tša Gagwe. [Phuthego e tšwelapele go rapela le go  
hlalala.]



*SAUWE SA SEMOYA* NST64-0411  
(Spiritual Amnesia)

Molaetša wo ka Ngwanešu William Marrion Branham, setlogong o abilwe ka Seisimane Mokibelo mantšiboa, Aporele 11, 1964, ka National Guard Armory ka Birmingham, Alabama, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)